

次頁治通鑑

唐紀三十一
唐紀三十二

第一百九冊

205
97
50

館書圖京東				
一 二 三 六	二 三 四 六	別 四 五 九	正 史 類	漢書門
冊	號	架	函	類

漢書門				
一 三 六	一 五 七	五 九 六 五	類	漢書門
冊	架	函	號	類

庫文閣內				
二 八 三 函	一 三 六 冊	五 九 六 五 號	類	漢
架	冊	號	類	

內閣文庫		
番號	漢	5965
冊數	136	(97)
函號	283	10

不許帶



資治通鑑卷第二百一十五

淺草文庫

端明殿學士兼翰林侍讀學士太中大夫提舉西京嵩山崇福宮上柱國河

內郡開國公食邑三千二百戶食實封九百戶賜紫金魚袋臣司馬光奉

勅編集

後學 天台胡三省音註

唐紀三十一

起玄默敦牂盡疆圉大淵
獻十二月凡五年有奇

玄宗至道大聖大明孝皇帝中之下

天寶元年春正月丁未朔止御勤政樓

帝於興慶宮
西南隅建

樓花萼相輝樓在西臨街以燕兒受朝賀朝直赦天

弟勤政務本樓在南以修政事

十一月當
作十二月
丙寅

下改元 壬子分平盧別為節度以安祿山為節度

使疏吏是時天下聲教所被之州三百二十一皮被

義翻二十八州府三百二十八至此纔二年不應遽增

唐曆會要統紀 羈縻之州八百置十節度經略使以

備邊安西節度撫寧西域統龜茲焉耆于闐疎勒四

鎮治龜茲城兵二萬四千焉耆治所在安西府東八

勒在西二千餘里龜茲音丘慈北庭節度防制突騎

施堅昆統瀚海天山伊吾三軍屯伊西二州之境治

北庭都護府兵二萬人突騎施牙帳在北庭府西北

瀚海軍在北庭府城內兵萬二千人天山軍在西州

兵三千人河西節度斷隔吐蕃突厥斷丁管翻吐從

翻 統赤水大斗建康寧寇玉門墨離豆盧新泉八軍

張掖交城白亭三守捉屯涼肅瓜沙會五州之境治

涼州兵七萬三千人赤水軍在涼州城內兵三萬三

里甘肅二州界兵七千五百人建康軍在涼州西二

八千五百人玉門軍在肅州西二百里管兵五千二

百人墨離軍本月氏國在瓜州西北千里管兵五千

人豆盧軍在沙州城內管兵四千三百人新泉軍在

會州西北二百里管兵千人張掖守捉在涼州南二

百里管兵五百人交城守捉在涼州西二百里管兵

千人白亭守捉在涼州西北五百里管兵千七百人

唐制大曰軍小曰守捉趙珣聚米圖經自甘州西至

西至沙州二百里自肅州西至瓜州四百五十里自瓜州

州東至鹽州八百里西至涼州六百里南至宋鎮戎

軍一百四十里北朔方節度捍禦突厥統經略豐安

定遠三軍三受降城安北單于二都護麻屯靈夏豐

三州之境治靈州兵六萬四千七百人經略軍在靈州城內兵二

萬七百人豐安軍在靈州西黃河外百八十里兵八

千人定遠軍在靈州東北二百里黃河外兵七千人

西受降城在豐州北黃河外八十里兵七千人安北

都護府治中受降城黃河北岸兵六千人東受降城

在勝州東北二百里兵七千人振武軍在單于都

護府城內兵九千人降戶江翻單音蟬夏戶雅翻河

東節度與朔方犄角以禦突厥統天兵大同橫野

嵐四軍雲中守捉屯太原府忻代嵐三州之境治太

原府兵五萬五千人天兵軍在太原城內兵三萬人

千五百人橫野軍在蔚州東北一百四十里兵三千

人尚嵐軍在嵐州北百里兵一千人雲中守捉在單

于府西北二百七十里兵七千七百八人忻州在太原

府北八十里兵七千八百人代州至太原五百里兵

四千入嵐州在太原府西北二百五十里兵三千人

奚契丹統經略威武清夷靜塞恒陽北平高陽唐興

橫海九軍屯幽薊媯檀易恒定漠滄九州之境治幽

州兵九萬一千四百人經略軍在幽州城內兵三萬人

人清夷軍在媯州城內兵萬人靜塞軍在薊州城內

兵萬六千人恒陽軍在恒州城東兵六千五百人北

平軍在定州城西兵六千人高陽軍在易州城內兵

六千人唐興軍在漠州城內兵六千人橫海軍在滄

州城內兵六千人景雲元年以瀛州鄭縣置鄭州開

元十三年以鄭字類鄭字改為漠州尋又改莫州契

欺訖翻又音喫恒戶登平盧節度鎮撫室韋靺鞨統

翻薊音計媯居為翻薊平盧節度鎮撫室韋靺鞨統

平盧盧龍二軍榆關守捉安東都護麻屯營平二州

之境治營州兵三萬七千五百人

平盧軍在營州城內兵萬六千人盧

龍軍在平州城內兵萬人榆關守捉在營州城西四百八十里兵三千人安東都護府在營州東三百里

兵八千五百人鞞鞞音未曷榆當作渝注詳見上卷隴右節度備禦吐蕃統臨

洮河源白水安人振威威戎漢門寧塞積石鎮西十

軍綏和合川平夷三守捉屯鄯廓洮河之境治鄯州

兵七萬五千人

臨洮軍在鄯州城內兵萬五千人河

白水軍在鄯州西北二百三十里兵四千人安人軍

在鄯州界星宿川西兵萬人振威軍在鄯州西三百

里兵千人威戎軍在鄯州西北三百五十里兵千人

漠門軍在洮州城內兵五千五百人寧塞軍在廓州

城內兵五百人積石軍在廓州西百八十里兵七千

人鎮西軍在河州城內兵萬一千人綏和守捉在鄯

州西南二百五十里兵千人合川守捉在鄯州南百

八十里兵千人平夷守捉在河州西南四十里兵三

千人洮土刀翻鄯
時戰翻又音善
劍南節度西抗吐蕃南撫蠻獠統

天寶平戎昆明寧遠澄川南江六軍屯益翼茂當雋

柘松維恭雅黎姚悉十三州之境治益州兵三萬九

百人

團結營在成都府城內兵萬四千人天寶軍在

恭州東南九十里兵千人平戎軍在恭州南八

十里兵千人昆明軍在雋州南兵五千一百人寧遠

軍在雋州西兵三百人澄川守捉在姚州東六百里

管兵二千人南江軍兵三百人翼州兵五百人茂州

兵三百人維州兵五百人柘州兵五百人松州兵二

千八百人當州兵五百人雅州兵四百人黎州兵千

人姚州兵三百人悉州兵五千五百人黎州江源

郡在翼州西二百七十里西北到故通軌縣二百里

三百里西南至當州三百里西北至吐蕃界九十里南至翼州一百八十里恭州開元二十四年分靜州廣平縣置東至柘州一百里悉州西北至當州八十里獠魯皓翻鶴音髓嶺南五府經略

綏靜夷獠統經略清海二軍桂容邕交四管治廣州

兵萬五千四百人經略軍在廣州城內兵五千四百人清海軍在恩州城內兵二千人

桂府兵千人容府兵千一百人邕府兵千七百人安南府兵四千二百人已上兵輕稅本鎮以自給此

外又有長樂經略福州領之樂音洛兵千五百人東萊

守捉萊州領之東牟守捉登州領之兵各千人凡鎮

兵四十九萬人捉仄角翻考異曰此兵數唐曆所載也舊紀是歲天下健兒團結曠騎

等總五十七萬四千七百三十三此蓋馬八萬餘匹

止言邊兵彼并京畿諸州曠騎數之耳安西府馬二千七百匹北庭瀚海軍馬四千二百匹天山軍馬五百匹伊吾軍馬三百匹河西赤水軍馬

捉字音字在前段

萬三千匹大斗軍馬二千四百匹建康軍馬五百匹寧寇玉門軍共管馬六百匹墨離軍馬四百匹豆盧

軍馬四百匹朔方經略軍馬三千匹豐安軍馬千三百匹定遠軍馬二千匹西受降城馬千七百匹中受

降城馬二千匹東受降城馬千七百匹振武軍馬千六百匹河東天兵軍馬五千五百匹雲中守捉馬二千

千匹大同軍馬五千五百匹橫野軍馬千八百匹范陽經略軍馬五千四百匹威武軍馬三百匹清夷軍

馬三百匹靜塞軍馬五百匹平盧軍馬四千二百匹盧龍軍馬五百匹渝關守捉馬百匹安東府馬七百

匹隴右臨洮軍馬八千匹河源軍馬六百匹威戎軍馬五百匹水軍馬五百匹安人軍馬三百匹威戎軍馬五百

十匹漠門軍馬二百匹寧塞軍馬五百匹積石軍馬三百匹劔南團結營馬千八百匹昆明軍馬二百匹

開元之前每歲供邊兵衣糧費不過二百萬天寶之

後邊將奏益兵浸多每歲用衣千二十萬足糧百九

十萬斛安西衣賜六十二萬足段北庭衣賜四十八萬足段河西衣賜百八十萬足段朔方衣賜

二百萬足段河東衣賜百二十萬足段糧五十萬石范陽衣賜八十萬足段糧五十萬石平盧失衣糧數隴右衣賜二百五十萬足段劍南衣賜八十萬足段糧七十萬石將即亮翻公私勞費民

始困苦矣甲寅陳王府參軍田同秀皇子陳王瑋府參軍也

上言見玄元皇帝於丹鳳門之空中告以我藏靈符

在尹喜故宅上時掌翻上遣使於故函谷關尹喜臺

旁求得之列仙傳曰關令尹喜者周大夫也老子西游喜先見其氣候物色而迹之果得老子

老子亦知其旨為著陝州刺史李齊物穿三門運

渠辛未渠成新書曰齊物鑿砥柱為門以通漕開其山巔為輓路沃醯而鑿之然棄石入河

水益湍怒舟不能入新門候水漲以人輓舟而上天子疑之遣宦者按視齊物厚賂宦者還言其便陝失

冉齊物神通之曾孫也淮安王壬辰羣臣上表以

案目錄正月丁未朔

無壬辰新舊書本紀及禮志作二月丁亥空從之

函谷靈符潛應年號先天不違易曰先天而天不違先悉薦翻請於

尊號加天寶字從之二月辛卯上享玄元皇帝於

新廟時置玄元廟於大寧坊西南角甲午享太廟丙申合祀天地於

南郊赦天下改侍中為左相中書令為右相尚書左

右丞相復為僕射開元初改左右僕射為尚書左右丞相復扶又翻下清復同東

都北都皆為京州為郡刺史為太守改桃林縣曰靈

寶隋開皇十六年置桃林縣取古者桃林之野以為縣名屬洛州唐屬陝州今以得玄元靈符改曰靈

寶寶守式田同秀除朝散大夫朝直遙翻時人皆疑寶

符同秀所為閒一歲清河人崔以清復言見玄元皇

帝於天津橋北云藏符在武城紫微山武城即漢之東武城縣與

清河縣皆屬清河郡敕使往求亦得之東都留守王倕知其詐

按問果首服使疏吏翻守式又翻下太奏之上亦不

深罪流之而已三月以長安令韋堅為陝郡太守

陝郡陝州領江淮租庸轉運使先天中李傑為陝州

陝失冉翻置使自傑始也裴耀卿之後命堅刺史領水陸發運使

始以租庸使入銜使疏吏翻下同初宇文融既敗言

利者稍息事見二百三及楊慎矜得幸事始二百

於是韋堅王鉞之徒鉞戶競以利進百司有利

權者稍稍別置使以領之舊官充位而已史言諸使

堅太子之妃兄也為吏以幹敏稱上使之督江淮租

綱目下利
作事紀事
本末陸本
竝同

運歲增巨萬上以為能故擢任之王鉞方翼之曾孫

翼之孫紀
事本末無
曾字是也

也自高宗至武后朝王亦以善治租賦為戶部員外

郎兼侍御史治直李林甫為相凡才望功業出已

右及為上所厚勢位將逼己者必百計去之去羌尤

忌文學之士或陽與之善啗以甘言而陰陷之世謂

李林甫口有蜜謂其言甘也啗徒腹有劍謂其心在

上嘗陳樂於勤政樓垂簾觀之兵部侍郎盧絢謂上

已起垂鞭按轡橫過樓下絢風標清粹上目送之深

歎其蘊藉絢許縣翻林甫常厚以金帛賂上左右上

舉動必知之乃召絢子弟謂曰尊君素望清崇今交

廣藉才聖上欲以尊君為之可乎若憚遠行則當左

遷不然則以賓詹分務東洛謂以太子賓客詹事分司東都也亦優

賢之命也何如絢懼以賓詹為請林甫恐乖眾望乃

除華州刺史華戶化翻到官未幾誣其有疾州事不理除

詹事員外同正幾居豈翻上又嘗問林甫以嚴挺之今安

在是人亦可用挺之時為絳州刺史林甫退召挺之

弟損之諭以上待尊兄意甚厚蓋為見上之策奏稱

風疾求還京師就醫挺之從之林甫以其奏白上云

挺之衰老得風疾宜且授以散秩使便醫藥上歎吒

久之散悉亶翻吒陟駕翻夏四月壬寅以為詹事又以汴州刺

史河南采訪使齊澣為少詹事唐少詹事正四品上汴皮變翻使疏吏翻

皆員外同正於東京養疾澣亦朝廷宿望故并忌之

上發兵納十姓可汗阿史那昕於突騎施至俱蘭

城俱蘭國所都城也俱蘭或曰俱羅弩或曰屈浪弩與吐火羅接可從刊入聲汗音寒騎奇寄翻考

異曰會要作俱南城胡語不明耳為莫賀達干所殺突騎施大纛官

都摩度來降纛徒到翻降戶江翻六月乙未冊都摩度為三姓

葉護 秋七月癸卯朔日有食之 辛未左相牛仙

客薨八月丁丑以刑部尚書李適之為左相 突厥

拔悉密回紇葛邏祿三部共攻骨咄葉護殺之推拔

悉密酋長為頡跌伊施可汗回紇葛邏祿自為左右

葉護厥九勿翻紇下沒翻邏郎佐翻咄當沒翻酋慈由翻頡奚結翻跌徒結翻突厥餘眾

共立判闕特勒之子為烏蘇米施可汗以其子葛臘
哆為西殺哆昌者翻突厥以其親屬分掌東西兵上

遣使諭烏蘇令內附烏蘇不從朔方節度使王忠嗣

盛兵積口以威之使疏吏翻積七迹翻舊書忠嗣傳皆曰是歲忠嗣北伐

與奚怒皆戰于桑乾河三敗之大虜其眾又曰明年

再破怒皆突厥之眾自是塞外晏然按朔方不與奚

相接不知所云奚烏蘇懼請降而遷延不至忠嗣知

其詐乃遣使說拔悉密回紇葛邏祿使攻之烏蘇遁

去忠嗣因出兵擊之取其右廂以歸擊垂亡之虜猶不肯輕用其兵

此王忠嗣所以為善將也突厥左右殺所部謂之丁

左右廂降戶江翻說輸芮翻紇下沒翻邏郎佐翻

亥突厥西葉護阿布思及西殺葛臘哆默啜之孫勃

德支伊然小妻毗伽登利之女帥部眾千餘帳相次

來降意此皆突厥右廂之眾也啜陟劣翻伽求迦翻帥讀曰率

思之孫登利可汗之女與其黨屬來降唐曆云烏蘇

米施可汗遁逃其西葉護阿布思及毗伽可汗可敦

男西殺葛臘哆率其部千餘帳來降舊王忠嗣傳云

三部落攻米施可汗走之忠嗣因出兵伐之取其右

廂而歸其西葉護及毗伽可敦男葛臘哆率其部落

千餘帳入朝突厥傳云西殺妻子及默啜之孫勃德

支特勒毗伽可汗女大洛公主伊然可汗小妻余塞

其部眾相次來突厥遂徵九月辛亥上御花萼樓宴

突厥降者考異曰本紀作辛卯按長曆是月己賞

賜甚厚護密先附吐蕃戊午其王頡吉里訶遣使

請降頡奚結翻訶蒲北翻冬十月丁酉上幸驪山溫泉己巳

據本紀己巳上立補

十一月三

通鑑卷一百一十五

唐紀三十一

天寶二年癸未

七

還宮 十二月隴右節度使皇甫惟明奏破吐蕃大
 嶺等軍戊戌又奏破青海道莽布支營三萬餘衆斬
 獲五千餘級庚子河西節度使王倓奏破吐蕃漁海
 及遊奕等軍史言明皇喜邊功故邊帥告捷者相繼倓音垂是歲天下縣
 一千五百二十八鄉一萬六千八百二十九戶八百
 五十二萬五千七百六十二口四千八百九十萬九
 千八百考異曰舊傳云天寶初其酋長葉護頡利吐發遣使入朝封奉義王唐曆天寶三載突厥拔悉密可汗又為回紇葛邏祿等部落襲殺之立回紇為主是為骨咄祿毗伽闕可汗遣使立為奉義王又加懷仁可汗新突厥傳云回紇葛邏祿殺拔悉密可汗奉回紇骨力裴羅定其國是為骨咄祿毗伽闕可汗按奉義王懷仁可汗是一人冊為可汗也

而新突厥回紇傳其名不同然新傳明賜爵奉義王未

冊為可汗也

二年春正月安祿山入朝朝直上寵待甚厚謁見無

時見賢祿山奏言去年營州蟲食苗臣焚香祝天云

臣若操心不正事君不忠願使蟲食臣心若不負神

祇願使蟲散即有羣鳥從北來食蟲立盡請宣付史

官從之操千李林甫領吏部尚書日在政府謂政

堂事選事悉委侍郎宋遙苗晉卿御史中丞張倚新得

幸於上遙晉卿欲附之時選人集者以萬計選須入

等者六十四人倚子真為之首羣議沸騰前薊令蘇

異本年作
 秋綱目紀
 事本末竝
 同

通鑑卷一百一十五

唐紀三十一 玄宗

一

孝韞以告安祿山蓊縣帶幽州涿郡時改祿山入言涿郡為范陽郡蓊音計

於上上悉召入等人面試之與手持試紙終日不成

一字時人謂之曳白癸亥遙貶武當太守晉卿貶安

康太守倚貶淮陽太守武當郡均州安祿郡金州本西城郡元年更郡名淮陽郡

陳州舊志金州京師南七百三十七里陳州一千五百二十里同考判官禮部郎中

裴肫等皆貶嶺南官晉卿壺關人也壺關縣自漢以來屬上黨郡而

唐上黨縣乃漢壺關縣隋分置上黨縣帶郡唐武德四年分隋之上黨縣置壺關縣治高望堡貞觀十七

年移治進流川肫數尾翻三月壬子追尊玄元皇帝父周上御

大夫為先天太皇又尊臯繇為德明皇帝涼武昭王

為興聖皇帝唐虞之世臯陶為理唐以為李氏得姓之始故追尊為德明皇帝涼武昭王嵩

舊書本紀御下有史書字此取新

高祖之七世祖建國於瓜沙李氏由是而興故尊為興聖皇帝繇余招翻江淮南租庸

等使韋堅引滻水抵苑東望春樓下為潭苑禁苑也潭在長安

城東九里以聚江淮運船役夫匠通漕渠發人丘壟滻音產

自江淮至京城民間蕭然愁怨二年而成丙寅上幸

望春樓觀新潭堅以新船數百艘扁榜郡名各陳郡

中珍貨於船背陝尉崔成甫著錦半臂缺胯綠衫以

謁之般蘇遭翻扁補典翻陝失冉翻著陟紅陌首陌

白翻陌首今居前船唱得寶歌先是民間唱俚歌曰

寶符於桃林成甫乃更紘體歌為得寶弘農野歌曰

得寶弘農野弘農得寶耶潭裏舟船開揚州銅器多

三郎當殿坐聽唱得使美婦百人盛飾而和之和戶

連檣數里堅跪進諸郡輕貨仍上白牙盤食

程大昌演繁露

日唐少府監御饌器用九釘食以牙盤九枚裝

上置

宴竟日而罷觀者山積夏四月加堅左散騎常侍

悉

其僚屬吏卒褒賞有差名其潭曰廣運時京

兆尹韓朝宗亦引渭水置潭於西街以貯林木

朝直

貯丁 丁亥皇甫惟明引軍出西平

西平郡

擊吐蕃

行千餘里攻洪濟城破之

杜佑曰廓州達化縣有洪濟鎮周武帝逐吐谷渾所

築在縣西二百七十里長慶中劉元鼎為盟使言河之上流由洪濟西行二千里水益狹冬春可涉夏秋乃勝舟其南三百里三山中高四下曰歷山直大羊同國古所謂昆侖者也虜曰悶摩黎山東距長安五千里河源其間流澄緩下稍合衆流色赤行益遠他水并注則濁河源東北直莫賀延磧尾隱測其地

新書紀丁亥作己卯

蓋在劔南之西此劉元鼎因洪濟城而上叙河源附見于此

土以右贊善大夫

楊慎矜

龍朔二年改太子中允為贊善大夫咸亨元年復置中允而贊善大夫不廢後又分左右

各置五員班左右諭德下諭德掌諭太子以道德贊善掌翊贊太子以規諷知御史中丞

事時李林甫專權公卿之進有不出其門者必以罪

去之

呂翻

慎矜由是固辭不敢受五月辛丑以慎矜

為諫議大夫冬十月戊寅上幸驪山溫泉乙卯還

宮

戊寅至乙卯二十八日史言帝耽樂而忘返驪力

寅幸溫泉宮十一月乙卯還宮與實錄同十二月戊申又幸溫泉宮丙辰還宮實錄無按十二月丙寅朔

無戊申丙辰唐曆十一月戊申幸溫泉宮丙辰還京又與實錄本紀不同今皆不取

三載春正月丙申朔改年曰載

亥翻

辛丑上幸驪

乙卯上亥補十一月三字

案新書安祿山傳建侯作豫舊書避代宗諱以其字稱之而通鑑沿之

山溫泉二月庚午還宮

往還亦幾三旬

辛卯太子更名亨

更工衡翻海賊吳令光等抄掠台明

明州漢句章鄞縣之地屬會稽郡開元二

十六年采訪使齊澣奏以越州之鄞縣置

命河南尹

裴敦復將兵討之

將即亮翻

三月己巳以平盧節度使

安祿山兼范陽節度使以范陽節度使裴寬為戶部

尚書

使疏吏翻尚辰羊翻

禮部尚書席建侯為河北黜陟使稱

祿山公直李林甫裴寬皆順旨稱其美三人皆上所

信任由是祿山之寵益固不搖矣夏四月裴敦復

破吳令光擒之五月河西節度使夫蒙靈詈討突

騎施莫賀達干斬之按元和姓纂云夫蒙本西羌姓後秦有建威將軍夫蒙羌今蒲

同二州多此姓或改姓馬氏考異曰會要作馬靈詈今從實錄更請立黑姓伊里

底蜜施骨咄祿毗伽咄當沒翻伽求迎翻考異曰會要作伊地本里骨咄祿毗伽

今從實錄六月甲辰冊拜骨咄祿毗伽為十姓可汗可汗從

刊入聲汗音寒秋八月拔悉蜜攻斬突厥烏蘇可汗傳首

京師國人立其弟鶻隴匄白眉特勤是為白眉可汗

於是突厥大亂敕朔方節度使王忠嗣出兵乘之至

薩河內山厥九勿翻嗣祥破其左廂阿波達干等十

一部右廂未下會回紇葛邏祿共攻拔悉蜜頡跌伊

施可汗殺之回紇骨力裴羅自立為骨咄祿毗伽闕

可汗遣使言狀上冊拜裴羅為懷仁可汗於是懷仁

六月亥與上聯寫本紀八月下有丙午二字

南據突厥故地立牙帳於烏德犍山回紇牙帳東有平野西據烏德

犍山南依盟昆水犍居言翻舊統藥邏葛等九姓其後又并拔悉

蜜葛邏祿凡十一部各置都督每戰則以二客部為

先李林甫以楊慎矜屈附於己九月甲戌復以慎

矜為御史中丞充諸道鑄錢使復扶又翻冬十月

癸巳上幸驪山溫泉十一月丁卯還宮術士蘇嘉

慶上言遯甲術有九宮貴神九宮貴神蓋易乾鑿度

十二卷漢順帝陽嘉三年時置九宮貴神壇其壇三

成成三尺四階其上依位置九壇壇尺五寸東南曰

招搖正東曰軒轅東北曰太陰正南曰天一中央曰

天符正北曰太一西南曰攝提正西曰咸池西北曰

青龍五為中戴九履一左三右七二四為上六八為

下符於道甲仍編於勅曰九宮貴神實司水旱功佐

上帝德庇下人黃帝九宮經一宮其神太一其星

天蓬其卦坎其行水其方白二宮其神攝提其星天

內其卦坤其行土其方黑三宮其神軒轅其星天衝

其卦震其行木其方碧四宮其神招搖其星天輔其

卦巽其行木其方綠五宮其神天符其星天心其卦

離其行土其方黃六宮其神青龍其星天心其卦乾

其行金其方白七宮其神咸池其星天柱其卦兌其

行金其方赤八宮其神太陰其星天任其卦艮其行

土其方白九宮其神天一其星天英典司水旱請立

壇於東郊祀以四孟月從之禮在昊天上帝下太清

宮太廟上所用牲玉皆侔天地十二月癸巳置會

昌縣於溫泉宮下時分新豐萬年置會昌縣雍錄溫

山西北十道志曰泉有三所其一處即皇堂石井後

周宇文護所造隋文帝又修屋宇種松栢千餘株唐

貞觀十八年詔闔立德營建宮殿御湯名湯泉宮咸

亨三年名溫泉宮元和志則曰開元十一年置溫泉

宮天寶六載改為華清宮於驪山上益治湯井為池
臺殿環列山谷自開元來每歲十月臨幸歲盡乃歸
以新豐縣去泉稍遠即於湯所置會昌縣又置百司
及公卿邸第焉臨潼縣唐之新豐慶山皆其地也按
通鑑開元十一年書作
溫泉宮與元和志合
戶部尚書裴寬素為上所

重李林甫恐其入相忌之相息亮翻刑部尚書裴敦復擊

海賊還受請託廣序軍功寬微奏其事林甫以告敦

復敦復言寬亦嘗以親故屬敦復屬之欲翻林甫曰君速

奏之勿後於人敦復乃以五百金賂女官楊太真之

姊使言於上甲午寬坐貶睢陽太守睢陽郡宋州本

更郡名睢音雖初武惠妃薨開元二十五年上悼念不已後宮

數千無當意者或言壽王妃楊氏之美絕世無雙上

見而悅之乃令妃自以其意乞為女官號太真更為

壽王娶左衛郎將韋昭訓女更工衡翻潛內太真宮

中太真肌態豐豔曉音律性警穎善承迎上意不基

歲寵遇如惠妃宮中號曰娘子凡儀體皆如皇后

癸卯以宗女為和義公主嫁寧遠奉化王阿悉爛達

干帝以拔汗那助平吐火仙冊其王為奉化王改其國曰寧遠癸丑上祀九宮

貴神赦天下初令百姓十八為中二十三成下

初上自東都還李林甫知上厭巡幸乃與牛仙客謀

增近道粟賦及和糴以實關中數年蓄積稍豐止從

容謂高力士曰朕不出長安近十年開元二十四年上自東都還自

是不復東幸從奸天下無事朕欲高居無為悉以政

事委林甫何如對曰天子巡狩古之制也且天下大

柄不可假人彼威勢既成誰敢復議之者上不悅力

士頓首自陳臣狂疾發妄言罪當死上乃為力士置

酒復扶又翻為干左右皆呼萬歲力士自是不敢深

言天下事矣力士之不敢言以李

四載春正月庚午上謂宰相曰朕比以甲子曰比毗

於宮中為壇為百姓祈福朕自草黃素置案上俄飛

升天聞空中語云聖壽延長又朕於嵩山鍊藥成亦

置壇上及夜左右欲收之又聞空中語云藥未須收

此自守護達曙乃收之太子諸王宰相皆上表賀史

唐之君誕妄而臣諂諛回紇懷仁可汗擊突厥白眉可汗殺

之傳首京師突厥毗伽可敦帥眾來降可從刊入聲

戶江於是北邊晏然烽燧無警矣回紇斥地愈廣東

際室韋西抵金山南跨大漠盡有突厥故地史言回

疆懷仁卒子磨延啜立號葛勒可汗二月己酉以朝

方節度使王忠嗣兼河東節度使忠嗣少以勇敢自

負少詩及鎮方面專以持重安邊為務常曰太平之

將但當撫循訓練士卒而已不可疲中國之力以邀

功名將即有漆弓百五十斤常貯之橐中以示不用

二書本傳
常作嘗

案目錄三月已未朔無乙巳

貯丁軍中日夜思戰忠嗣多遣謀人伺其間隙謀達協翻

節制自朔方至雲中邊陲數千里陲音垂要害之地悉

列置城堡斥地各數百里邊人以為自張仁奐之後

將帥皆不及張仁愿本名仁奐以睿宗諱且音近奐避之改名仁愿將帥即亮翻帥所類翻

三月壬申上以外孫獨孤氏為靜樂公主嫁契丹王

李懷節樂音洛甥楊氏為宜芳公主嫁奚王李延寵宜芳

縣屬乙巳以刑部尚書裴敦復充嶺南五府經略

等使五月壬申敦復坐逗留不之官貶淄川太守淄川

郡淄川舊志淄州京師東北二千里一百三十三里守式又翻以光祿少卿彭杲代

據二書酷吏傳為侍郎者均也疑通鑑誤

之上嘉敦復平海賊之功故李林甫陷之李適之

與李林甫爭權有隙適之領兵部尚書駙馬張垧為

侍郎垧其冀翻林甫亦惡之惡烏路翻使人發兵部銓曹姦利

事收吏六十餘人付京兆與御史對鞫之數日竟不

得其情京兆尹蕭炆使法曹吉溫鞫之法曹司法參軍事掌鞫獄

麗法知賊賄沒入炆火迴翻溫入院置兵部吏於外先於後廳取

二重囚訊之或杖或壓號呼之聲所不忍聞號戶高翻皆

曰苟存餘生乞紙盡答兵部吏素聞溫之慘酷引入

皆自誣服無敢違溫意者頃刻而獄成驗囚無榜掠

之迹榜音彭掠音亮六月辛亥敕誚責前後知銓侍郎及判

南曹郎官而宥之

文宗開成二年宰相李石奏定長定選格吏部請加置南曹郎中一

人別置印以新置南曹之印為文蓋吏部先以郎官判南曹開成間因置南曹郎也朱白曰南曹起於總

章二年司列常伯李敬玄奏置未置已前銓中自勘責故事兩轉廳至建中元年侍郎邵說奏挾闕替南

曹郎中王鎬已後遂不轉廳貞元十一年侍郎杜黃裳請準舊例轉廳後云云同上請才笑翻

之兄温頊之弟子也

吉頊進用於武后之朝

温始為新豐丞太

子文學薛疑薦温木

唐六典曰魏置太子文學魏武為丞相命司馬宣王為文學椽

甚為世子所信與吳質朱鑠陳羣為太子四友自晉之後不置至後周建德三年置太子文學十人後廢

唐顯慶中始置太子文學二人屬司經局掌分知經籍侍奉文章總緝經籍繕寫裝染之功筆札給用之

數皆料度之上召見

見賢顧疑曰是一不良人朕不

用也蕭炆為河南尹嘗坐事西臺遣温往按之

西臺

臨本新書傳一作丞毛本及舊書同此

御史温治炆甚急

治直之翻下同

及温為萬年丞未幾炆為

京兆尹

幾居豈翻

温素與高力士相結力士自禁中歸温

度炆必往謝官

度徒洛翻

乃先詣力士與之談謔握手甚

歡

謔迄卻翻炆後至温陽為驚避力士呼曰吉七不須避

吉温謂炆曰此亦吾故人也召還與炆坐炆接之甚

恭不敢以前事為怨它日温謁炆曰曩者温不敢墮

國家法自今請洗心事公炆遂與盡歡引為法曹

考

異曰唐曆云温聯按大獄附邪以出入人命者凡十餘年性巧詆忍而不忘失意眉睫間必引而陷之其

欲膠固之雖王公大人立可親也初蕭炆以賊下獄温深竟其罪後為萬年縣丞炆拜京兆尹温見炆於

高力士第乃與之相結為膠漆之交引為法曹而薦於林甫温之進也反以炆力舊傳云炆為河南尹有

事京臺差温推詰堅執不捨及温選昺已為京兆尹一唱萬年尉即就其官人為危之今參取二書用之

及林甫欲除不附己者求治獄吏昺薦温於林甫林甫得之大喜温常曰若遇知己南山白額虎不足縛

也時又有杭州人羅希與為吏深刻林甫引之自御史臺主簿再遷殿中侍御史

唐御史臺主簿從七品上掌印及受事發展勾

檢稽失兼知官厨及黃卷二人皆隨林甫所欲深淺鍛鍊成獄無

能自脫者時人謂之羅鉗吉網以鐵劫束物曰鉗鉗其廉翻秋

七月壬午冊韋昭訓女為壽王妃八月壬寅冊楊大

真為貴妃考異曰統紀八月冊女道士楊氏為貴妃本紀甲辰唐曆甲寅今據實錄壬寅贈

太真如父玄琰等官甲辰甲寅皆在後恐冊妃在贈官前新本紀亦云八月壬寅立太真為貴妃今從之

贈其父玄琰兵部尚書以其叔父玄珪為光祿卿從

兄銛為殿中少監錡為駙馬都尉從才用翻下之從

綺翻又魚綺癸卯冊武惠妃女為太華公主命錡尚

之考異曰實錄舊傳皆以錡錡為再從兄國忠為從祖兄然則從祖亦再從也推恩之時何以及錡

錡而不及國忠新傳謂之宗兄唐曆以錡為玄琰之子借使非子比於國忠必應稍親今但謂之從兄舊

傳云錡為侍御及貴妃三姊皆賜第京師寵貴赫然

楊鈔貴妃之從祖兄也不學無行釗音昭行為宗黨

所鄙從軍於蜀得新都尉考滿家貧不能自歸新政

富民鮮于仲通常資給之新都縣漢屬廣漢郡梁置始康郡西魏廢郡隋開皇

十八年改新都曰興樂尋廢縣唐初復置屬蜀郡武德四年分南部相如二縣置新城縣尋避隱太子名

通鑑卷之三十三 唐紀三十三 玄宗

通鑑卷之三十三 唐紀三十三 玄宗

通鑑卷之三十三 唐紀三十三 玄宗

通鑑卷之三十三 唐紀三十三 玄宗

改曰新政時 楊玄琰卒於蜀 卒子 釗往來其家遂與

其中女通 中讀 鮮于仲通名向以字行頗讀書有材

智劔南節度使章仇兼瓊引為采訪支使 唐考異曰

節度巡官按顏真卿所作仲通碑見存云為采訪支使今從之 唐采訪節度等使幕屬有判官有支使

有掌書記推官巡官衙推等宋朝始定制書記支使不得並置有出身者為書記無出身者為支使 委

以心腹嘗從容謂仲通曰今吾獨為上所厚苟無內

援必為李林甫所危聞楊妃新得幸人未敢附之子

能為我至長安與其家相結吾無患矣仲通曰仲通

蜀人未嘗遊上國恐敗公事今為公更求得一人因

言釗本末兼瓊引見釗儀觀豐偉言辭敏給 從干容

偽翻敗補邁 兼瓊大喜即辟為推官往來浸親密乃

使人獻春綵於京師將別謂曰有少物在耶 少詩沼

自漢以來屬蜀郡九域志郫縣在成 以其一日之糧

子過可取之釗至郫兼瓊使親信大齋蜀貨精美者

遺之 遺于 可直萬緡釗大喜過望晝夜兼行至長安

歷抵諸妹以蜀貨遺之曰此章仇公所贈也時中女

新寡釗遂館於其室中分蜀貨以與之於是諸楊日

夜譽兼瓊且言釗善樗蒲引之見上 館古玩翻譽音

得隨供奉官出入禁中 唐制中書門下省官皆供奉

謂之仗內供奉隨翰林院官班者謂之翰林供奉 改金

奉宦官謂之內供奉又有朝士供奉禁中者

吾兵曹參軍 九月癸未以陝郡太守江淮租庸轉

運使韋堅為刑部尚書罷其諸使以御史中丞楊慎

矜代之陝失冉翻使疏吏翻考異曰舊食貨志堅

妻姜氏皎之女林甫之舅子也故林甫昵之昵尼及

堅以通漕有寵於上遂有入相之志相息亮翻又與李適

之善林甫由是惡之惡烏路翻故遷以美官實奪之權也

安祿山欲以邊功市寵數侵掠奚契丹奚契丹各

殺公主以叛數所角翻下欲數數徵同祿山討破之

隴右節度使皇甫惟明與吐蕃戰于石堡城為虜

所敗副將褚誨戰死敗補邁翻誨直廉翻考異

舊書本紀作褚直廉

冬十月甲午安祿山奏臣討契丹至北平郡北平郡

夢先朝名將李靖李勣從臣求食朝直遙翻將遂命

立廟又奏薦奠之日廟梁產芝通鑑不語怪而書安

產芝之事以著祿山祿山飛鳥食蝗廟梁之欺罔明皇之昏蔽 丁酉上幸驪山溫泉 上以

戶部郎中王鉷為戶口色役使敕賜百姓復除鉷戶

使疏吏翻鉷奏徵其輦運之費廣張錢數又使市本

郡輕貨百姓所輸乃甚於不復除舊制戍邊者免其

租庸六歲而更更工衡翻時邊將恥敗士卒死者皆不申

牒貫籍不除貫籍本貫之籍也王鉷志在聚斂斂力瞻翻以有籍

無人者皆為避課按籍戍邊六歲之外悉徵其租庸

新書作褚

目錄錢下有帛字綱目紀事本末陸本皆同舊書王銛傳有寶字案目錄十月乙酉朔無丙子子當作午

通鑑卷二百五十五

唐紀三十二

天寶五載丙戌

三

有併徵三十年者民無所訴上在位久用度日後後
宮賞賜無節不欲數於左右藏取之唐有左藏右藏藏徂浪翻
探知上指歲貢額外錢百億萬貯於內庫以供宮中
宴賜曰此皆不出於租庸調無預經費貯丁呂翻上調徒弔翻
以銛為能富國益厚遇之銛務為割剝以求媚中外
嗟怨丙子以銛為御史中丞京畿采訪使楊釗待宴
禁中專掌樗蒲文簿鈎校精密上賞其彊明日好度
支郎唐度支郎掌判天下租賦多少之數物產豐約之宜水陸道塗之利每歲計其所出而度其所用轉運徵斂送納皆準程而節其遲速凡和糴和市皆量其貴賤均天下之貨以利於人凡金銀寶貨綾羅之屬皆折庸調以造凡天下舟車水陸載運皆具為脚直輕重貴賤平易險澁而為之制凡天下邊軍
有支度使以計軍資糧仗之用每歲所費諸楊數徵皆申度支會計以長行旨為準度徒洛翻

此言於上徵讀曰證又以屬王銛銛因奏充判官屬之欲翻

十二月戊戌上還宮還自溫泉宮還從宣翻又音如字

五載春正月乙丑以隴右節度使皇甫惟明兼河西節度使李適之性疎率李林甫嘗謂適之曰華山有

金礦華戶化翻西山記曰太華之山削成而采之可四方其高五千仞其廣十里礦古猛翻

以富國主上未之知也它日適之因奏事言之上以問林甫對曰臣久知之但華山陛下本命王氣所在

帝製華嶽碑曰予小子之生也歲景戌月仲秋膺少皞之盛德協太華之木命故常寤寐靈嶽胎響神交林甫知此旨故以誤適鑿之非宜故不敢言上以林

通鑑卷二百五十五

唐紀三十二 玄宗

三

甫為愛已薄適之慮事不熟謂曰自今奏事宜先與

林甫議之無得輕脫適之由是束手矣適之既失恩

韋堅失權益相親密林甫愈惡之惡鳥路翻初太子之立

非林甫意事見二百十四卷林甫恐異日為己禍常有

動搖東宮之志而堅又太子之妃兄也皇甫惟明嘗

為忠王友見二百十三卷時破吐蕃入獻捷見林甫

專權意頗不平時因見上乘間微勸上去林甫吐從

聲因見賢遍翻間林甫知之使楊慎矜密伺其所為

古覓翻去羌呂翻會正月望夜太子出遊與堅相見堅又與惟明

會於景龍觀道士之室景龍觀在長安城中崇仁坊

衛神龍元年併為長寧公主宅韋庶人敗後慎矜發

其事以為堅戚里不應與邊將狎暱林甫因奏堅與

惟明結謀欲共立太子堅惟明下獄將即亮翻暱尼

林甫使慎矜與御史中丞王鉷京兆府法曹吉溫共

鞠之考異曰舊林甫傳云林甫潛令慎矜伺堅隙

顯其罪癸酉下制責堅以干進不已貶縉雲太守縉

郡本括州永嘉郡元年更郡名惟明以離間

君臣間古貶播川太守播川郡仍別下制戒百官

以王忠嗣為河西隴右節度使兼知朔方河東節度

目錄奏作
譖紀事本
末陸本竝
同新書章
堅傳作奏

通鑑卷三十一 唐紀三十一 玄宗

事忠嗣始在朔方河東每互市高估馬價諸胡聞之
 爭賣馬於唐忠嗣皆買之由是胡馬少少詩唐兵益
 壯及徙隴右河西復請分朔方河東馬九千匹以實
 之復扶其軍亦壯忠嗣仗四節控制萬里天下勁兵
 重鎮皆在掌握與吐蕃戰於青海積石皆大捷又討
 吐谷渾於墨離軍虜其全部而歸吐從暇入夏四
 月癸未立奚首娑固為昭信王契丹酋楷洛為恭仁
 王首慈由翻己亥制自今四孟月皆擇吉日祀天
 地九宮韋堅等既貶左相李適之懼自求散地散
 但庚寅以適之為太子少保罷政事其子衛尉少卿

庚寅先己亥九日

雲嘗盛饌召客雲文甲翻饌雜客畏李林甫竟日無

一人敢往者以門下侍郎崇玄館大學士陳希烈

同平章事後魏置崇玄署掌僧尼道士女冠隋以崇

觀有監一人貞觀中廢寺觀監上元二年置漆園監

元年兩京置博士助教各一員二載改崇玄學曰崇

玄館博士曰學士助教曰直學士置大學士以宰相

為之領兩京玄希烈宋州人以講老莊得進專用神

仙符瑞取媚於上李林甫以希烈為上所愛且柔佞

易制易以故引以為相凡政事一決於林甫希烈但

給唯諾唯干故事宰相午後六刻乃出林甫奏今太

平無事已時即還第軍國機務皆決於私家主書抱

成案詣希烈書名而已 五月壬子朔日有食之

乙亥以劍南節度使章仇兼瓊為戶部尚書諸楊引

之也 秋七月丙辰敕流貶人多在道逗留自今左

降官日馳十驛以上上時是後流貶者多不全矣

楊貴妃方有寵每乘馬則高力士執轡授鞭織繡之

工專供貴妃院者七百人中外爭獻器服珍玩嶺南

經略使張九章廣陵長史王翼廣陵郡揚州長知兩翻以所獻

精美九章加三品翼入為戶部侍郎天下從風而靡

民間歌之曰生男勿喜女勿悲君今看女作門楣凡人

作室自外至者見其門楣宏敞則為壯觀言楊家因生女而宗門崇顯也或曰門以楣而撐柱言生女能

陳鴻長恨歌傳云當時謠詠有云生女勿

悲酸生男勿喜歡又曰男不封侯女作妃君看女却為門楣太真外傳同

撐柱門 妃欲得生荔支歲命嶺南馳驛致之自蘇軾諸人皆

云此時荔支自涪州致之非嶺南也比至長安色味不變自居易曰荔

樹形團團如帷蓋葉如冬青華如橘春榮實如丹夏熟柔如蒲萄核如枇杷殼如紅繒膜如紫綃瓢肉潔

白如冰雪漿液甘酸如醴酪大略如彼其實過之若離本枝一日而色變二日而香變四五日外色香味

盡去至是妃以妬悍不遜上怒命送歸兄銛之第悍

罕翻又是日上不懌比日中猶未食左右動不稱旨

橫被捶撻比必利翻及也稱尺證高力士欲嘗上意

請悉載院中儲俸送貴妃凡百餘車上自分御膳以

賜之侍直及夜力士伏奏請迎貴妃歸院遂開禁門

而入唐六典城門郎掌京城皇城宮殿諸門開闔之節承天門擊曉鼓聽擊鐘後一刻鼓聲絕皇城

門開第一擊鼓聲絕宮城門及左右延明門乾化
 門開第二擊鼓聲絕宮殿門開夜第一擊鼓聲
 絕宮殿門閉第二擊鼓聲絕宮城門及左右延明
 門皇城門閉其京城門開閉與皇城門同刻承天門
 擊鼓皆聽漏刻契契至乃擊待漏刻所牌到鼓聲乃
 絕凡皇城闔門之鑰先酉而出後戌而入開門之鑰
 後丑而出夜盡而入京城闔門之鑰後申而出先子
 而入開門之鑰後子而出先卯而入若非其時而有
 命啓閉則請閣覆奏奉旨合符而開闔之殿門及城
 門若有勅夜開受勅人具錄須開之門宣送中書門
 下自是恩遇愈隆後宮莫得進矣 將作少匠韋蘭
 兵部員外郎韋芝為其兄堅訟寃少詩照翻且引太
 子為言上益怒太子懼表請與妃離昏乞不以親廢
 法丙子再貶堅江夏別駕江夏郡鄂州舊志鄂州京
師東南二千三百四十六
 里夏戶雅翻蘭芝皆貶嶺南然上素知太子孝謹故譴怒

不及李林甫因言堅與李適之等為朋黨後數日堅

長流臨封適之貶宜春太守太常少卿韋斌貶巴陵

太守嗣薛王瑊貶夷陵別駕睢陽太守裴寬貶安陸

別駕河南尹李齊物貶竟陵太守臨封郡本封州廣
信郡元年更郡名

宜春郡袁州巴陵郡岳州夷陵郡峽州安陸郡安州

竟陵郡本復州沔陽郡元年更郡名舊志封州至京

師水陸四千五百一十里岳州二千二百三十七里

峽州一千八百八十八里安州京師東南二千五十

一里復州一千八百凡堅親黨坐流貶者數十人斌
里斌音彬瑁胡映翻

安石之子瑁業之子堅之甥也瑁母亦令隨瑁之官

韋安石事武后中廢冬十月戊戌上幸驪山溫泉
三朝業上之弟也

十一月乙巳還宮贊善大夫杜有鄰
唐贊善大夫
正五品上掌

目錄坐上
有連字紀
事本末同
據舊書堅
傳有連字
為是

諷誦規諫太子女為太子良娣唐太子內官良娣正三品良娣之姊

為左驍衛兵曹柳勣妻驍堅勣性狂疎好功名喜交

結豪俊好呼到翻淄川太守裴敦復薦於北海太守

李邕北海郡邕與之定交勣至京師與著作郎王曾

等為友皆當時名士也勣與妻族不協欲陷之為飛

語告有鄰妄稱圖讖交構東宮指斥乘輿乘繩林甫

令京兆士曹吉溫與御史鞠之士曹司士參軍事掌津梁舟車舍宅工藝

乃勣首謀也溫令勣連引曾等入臺十二月甲戌有

鄰勣及曾等皆杖死積尸大理皆考異曰舊紀唐曆皆作辛未今從實錄

實錄云勣與其黨並伏法詔書則曰猶寬極刑俾從杖罪其王曾等各決重杖一百杜有鄰柳勣念以微

親特寬殊死決一頓取嶺南新興尉吉溫傳則云勣等杖死積尸於大理寺蓋詔雖與杖其實皆死杖下

也妻子流遠亦中外震慄嗣號王巨貶義陽司馬義陽

郡申州舊志申州至京師一千七百九十六里巨邕之子也高祖之子號王鳳鳳嫡孫曰嗣

邕號王別遣監察御史羅希奭往按李邕監古太子亦

出良娣為庶人乙亥鄴郡太守王琚坐賊貶江華司

馬鄴郡本相州魏郡元年更名江華郡道州琚性豪俊與李邕皆自謂耆

舊久在外意怏怏李林甫惡其負材使氣故因事除

之王琚專上於東宮贊決誅太平公主惡烏路翻

六載春正月辛巳李邕裴敦復皆杖死邕才藝出眾

盧藏用常語之曰君如干將莫邪語牛倨翻干將莫邪吳王所鑄寶劍

難與爭鋒然終虞缺折耳

折而設翻

邕不能用林甫又奏

分遣御史即貶所賜皇甫惟明韋堅兄弟等死羅希

與自壽州如嶺南所過殺遷謫者

希與既殺李邕於青州遂如嶺南也

郡縣惶駭排馬牒至宜春

御史所過沿路郡縣給驛馬故未至皆有排馬牒

李適之憂懼仰藥自殺至江華王瑒仰藥不死聞希

與已至即自縊希與又迂路過安陸欲怖殺裴寬

怖普

布翻寬向希與叩頭祈生希與不宿而過乃得免李適

之子雲迎父喪至東京李林甫令人誣告雲杖死於

河南府給事中房琯坐與適之善貶宜春太守琯融

之子也

房融見二百七卷武后長安四年

林甫恨韋堅不已遣使於

循河及江淮州縣求堅罪

使疏吏翻

收繫綱典船夫溢於

牢獄

士船為一綱以吏為綱典船夫輓船及駕船之夫也

徵剝逋負延及鄰伍

皆裸露死於公府

裸郎果翻

至林甫薨乃止丁亥上享

太廟戊子合祭天地於南郊赦天下制免百姓今載

田租又令削絞斬條上慕好生之名故令應絞斬者

百重杖流嶺南其實有司率杖殺之又令天下為嫁

母服三載

載子亥翻好呼到翻為于偽翻下即為同

上欲廣求天下之士

命通一藝以上皆詣京師李林甫恐草野之士對策

斥言其姦惡建言舉人多卑賤愚瞶

瞶五怪翻

恐有俚言

污濁聖聽乃令郡縣長官精加試練灼然超絕者具

戊寅與七
千支相差

通鑑卷一百一十五

唐紀三十一

三

名送省委尚書覆試御史中丞監之監古街翻取名實相

副者聞奏既而至者皆試以詩賦論遂無一人及第

者林甫乃上表賀野無遺賢戊寅以范陽平盧節

度使安祿山兼御史大夫祿山體充肥腹垂過膝嘗

自稱腹重三百斤外若癡直內實狡黠常令其將劉

駱谷留京師訶朝廷指趣動靜皆報之點下八翻訶

候伺或應有殘表者駱谷即為代作通之歲獻俘虜

雜畜奇禽異獸珍玩之物畜許不絕於路郡縣疲於

遞運祿山在上前應對敏給雜以詼諧上嘗戲指其

腹曰此胡腹中何所有其大乃爾對曰更無餘物止

有赤心耳上悅又嘗命見太子祿山不拜左右趣之

拜趣讀日促祿山拱立曰臣胡人不習朝儀不知太子者

何官朝直遙翻上曰此儲君也朕千秋萬歲後代朕君汝

者也祿山曰臣愚癡者惟知有陛下一人不知乃更

有儲君不得已然後拜上以為信然益愛之上嘗宴

勤政樓百官列坐樓下獨為祿山於御座東間設金

雞障障坐障也畫金雞為飾為干偽翻置榻使坐其前仍命卷簾以

示榮寵卷讀日捲命楊銛楊錡貴妃三姊皆與祿山叙兄

弟祿山得出入禁中因請為貴妃兒上與貴妃共坐

祿山先拜貴妃上問何故對曰胡人先母而後父上

通鑑卷之三十三 唐紀三十三 文宗 三

悅 李林甫以王忠嗣功名日盛恐其入相相息亮翻忌

之安祿山潛蓄異志託以禦寇築雄武城薊州廣漢川有雄武

軍大貯兵器貯丁呂翻請忠嗣助役因欲留其兵忠嗣先

期而往不見祿山而還數上言祿山必反林甫益惡

之為王忠嗣得罪張本先悉薦翻夏四月忠嗣固

辭兼河東朔方節度許之 冬十月己酉上幸驪山

溫泉考異曰舊紀唐曆皆作戊申今從之改溫泉宮曰華清宮 河

西隴右節度使王忠嗣以部將哥舒翰為大斗軍副

使李光弼為河西兵馬使充赤水軍使兵馬使節鎮衙前軍職也

總兵權任甚重至德以後都知兵馬使翰父祖本突

騎施別部酋長西突厥五弩失畢有哥舒闕俟斤光

弼契丹王楷洛之子也開元初李楷洛皆以勇略為

忠嗣所重忠嗣使翰擊吐蕃有同列為之副倨慢不

為用翰槌殺之軍中股慄槌則瓜翻累功至隴右節度副

使每歲積石軍麥熟吐蕃輒來獲之獲戶郭翻無能禦者

邊人謂之吐蕃麥莊翰先伏兵於其側虜至斷其後

夾擊之斷音短無一人得返者自是不敢復來復扶上

欲使王忠嗣攻吐蕃石堡城石堡城陷見上卷忠嗣

上言石堡險固吐蕃舉國守之今頓兵其下非殺數

萬人不能克臣恐所得不如所亡不如且厲兵秣馬

唐紀三十三 文宗 三

俟其有釁然後取之上意不快將軍董延光自請將
兵取石堡城請將即亮翻上命忠嗣分兵助之忠嗣不得
已奉詔而不盡副延光所欲延光怨之李光弼言於
忠嗣曰大夫以愛士卒之故不欲成延光之功唐中世以
前率呼將帥為大夫白居易詩所謂武官稱大夫是也雖迫於制書實奪其謀
也何以知之今以數萬眾授之而不立重賞士卒安
肯為之盡力乎為干偽翻然此天子意也彼無功必歸罪
於大夫大夫軍府充物何愛數萬段帛不以杜其讒
口乎忠嗣曰今以數萬之眾爭一城得之未足以制
敵不得亦無害於國故忠嗣不欲為之忠嗣今受責

天子不過以金吾羽林一將軍歸宿衛其次不過黔

中上佐黔中一道皆溪峒蠻徭雜居貶謫而不忠嗣

豈以數萬人之命易一官乎李將軍子誠愛我矣然

吾志決矣子勿復言光弼曰鄉者恐為大夫之累復

又翻累力瑞翻故不敢不言今大夫能行古人之事非光弼

所及也遂趨出延光過期不克言忠嗣沮撓軍計沮

呂翻撓女教翻上怒李林甫因使濟陽別駕魏林告忠嗣嘗

自言我幼養宮中與忠王相愛狎武德四年分東平

之濟北郡也天寶元年改曰濟陽郡忠嗣年九歲父

海賓戰死於渭源長城堡帝養忠嗣宮中太子時為

忠王與之遊處魏林先為朔州刺史忠嗣節度河東

朔州其巡屬也故使林譖之以示言有所自來濟子

禮翻欲擁兵以尊奉太子救徵忠嗣入朝朝直委三司

鞠之上聞哥舒翰名召見華清宮見賢與語悅之十

一月辛卯以翰判西平太守充隴右節度使以朔方

節度使安思順判武威郡事充河西節度使西平郡

威郡戶部侍郎兼御史中丞楊慎矜為上所厚李

林甫浸忌之慎矜與王鉷父晉中表兄弟也少與鉷

狎少詩鉷之入臺頗因慎矜推引及鉷遷中丞慎矜

與語猶名之鉷自恃與林甫善意稍不平慎矜奪鉷

職田俱為中丞因併鉷鉷母本賤慎矜嘗以語人語

僱鉷深銜之慎矜猶以故意待之嘗與之私語讖書

讖楚慎矜與術士史敬忠善敬忠言天下將亂勸慎

矜於臨汝山中買莊為避亂之所臨汝郡本伊州襄

伊州曰汝州天寶元年更郡名為臨汝郡會慎矜父墓田中草木皆流血

慎矜惡之惡烏以問敬忠敬忠請禳之禳如設道場

於後園慎矜退朝輒裸貫桎梏坐其中朝直遙翻旬

日血止慎矜德之慎矜有侍婢明珠色美敬忠屢目

之慎矜即以遺敬忠車載過貴妃姊柳氏樓下姊邀

敬忠上樓求車中美人敬忠不敢拒明日姊入宮以

明珠自隨上見而異之問所從來明珠具以實對上

以慎矜與術士為妖法惡之含怒未發楊釗以告鉷

銜心喜因侮慢慎矜怒林甫知銜與慎矜有隙

密誘使圖之遺于季翻上時掌翻惡鳥路翻誘音酉

之內草木流血慎矜大懼問術者史敬思敬思曰讓

之可以免於慎矜後園大陳法事令賈桎桎坐於叢

林間以厭之唐曆云敬思本胡人出家還俗涉獵書

傳陰陽玄象慎矜與之善每言天下將亂居於臨汝

山中亦勸慎矜於臨汝買得山莊良田數十頃嘗於

慎矜第夜坐談宴怒婢春草將杖殺之敬思曰七郎

何須虛殺却十頭壯牛慎矜曰何謂也敬思曰買却

買牛每年耕田十頃慎矜雅厚敬思曰任公收取明

旦至市賣與大真柳氏姊得錢百二十千文買牛以

歸柳氏數將春草來往宮中玄宗見其狀貌壯大應

對分明數目之謂柳曰幾錢買得此婢以實對遂留

之玄宗曾晝寢問春草曰汝本何人何以得至柳家

春草曰本楊慎矜婢賣與柳家玄宗曰慎矜豈少錢

而賣你春草曰不是要錢本將殺某敬思救得不殺

所以賣之玄宗素聞敬思名因詰問春草以實對曰

每夜坐中庭或說天文遙指宿曜某亦盡知其言玄

宗怒變色良久後王銜因奏事言引慎矜玄宗勃然

曰慎矜與卿有親更不須相往來銜初內怨慎矜凌

己常隱忍不泄至是覺上意異楊釗先知之以告銜

銜心喜數悖慢以侵之慎矜尤怒明皇雜錄又曰慎

矜之婢有美者字明珠敬思數目之慎矜即以遺之

兼以囊橐甚厚以車送之敬思乘馬隨之路經貴妃

妹八姨樓下方登樓張樂姨素與敬思不相識固邀敬

思登樓乃曰車中美人請以見遺敬思不敢拒姨明

日入宮婢從上見而異之問所從來明珠曰本楊慎

矜家人也近贈史敬思上曰敬思何人而慎矜輒贈

以婢明珠乃具言厭勝之事上大怒曰彼為妖乎遂

告林甫林甫素忌慎矜才恐其作相以告中丞吉温

温險害亦有憾於慎矜因銜乃遣人以飛語告慎矜

隋煬帝孫慎矜與凶人往來家有讖書謀復祖

業上大怒收慎矜繫獄命刑部大理與侍御史楊釗

殿中侍御史盧鉉同鞫之太府少卿張瑄慎矜所薦

也盧鉉誣瑄嘗與慎矜論讖拷掠百端瑄不肯荅辯

瑄音宣掠音亮辯者鞫問之辭今人謂之問頭乃以木綴其足使人引其枷

柄向前挽之身加長數尺腰細欲絕眼鼻出血瑄竟

不荅又使吉温捕史敬忠於汝州敬忠與温父素善

温之幼也敬忠常抱撫之及捕獲温不與交言鎖其

頸以布蒙首驅之馬前至戲水戲水在新豐東戲許宜翻温使吏

誘之曰楊慎矜已款服惟須子一辯若解人意則生

解戶買翻不然必死前至温湯則求首不獲矣温湯即謂會昌縣於温泉宮下首式救

翻謂自首其事或曰首如字敬忠顧謂温曰七郎求

一紙温陽不應去温湯十餘里敬忠祈請哀切乃於

綱目所作
惡紀事本

末同據舊
書酷吏傳
作懇為是

桑下令荅曰紙辯皆如温意温徐謂曰丈人且勿恠

因起拜之至會昌天寶元年改驪山曰會昌山三載以新豐縣去華清宮遠分新豐萬

年置會昌縣是年改温泉曰華清宮治湯井始鞫慎為池環山列宮室又築羅城置百司及十宅

矜以敬忠為證慎矜皆引服惟搜讖書不獲林甫危

之使盧鉉入長安搜慎矜家鉉袖讖書入闈中詬而

出曰詬古逆賊深藏秘記至會昌以示慎矜慎矜歎

曰吾不蓄讖書此何從在吾家哉吾應死而已丁酉

賜慎矜及兄少府少監慎餘洛陽令慎名自盡敬忠

杖百妻子皆流嶺南瑄杖六十流臨封死於會昌嗣

號王巨雖不預謀坐與敬忠相識解官南賓安置南賓

舊書楊慎
矜傳百上
有一字紀
事本末同

郡忠州本巴郡之臨江縣隋義寧二年置臨州貞觀八年改忠州天寶元年改為郡舊志忠州京師南二千一百二十里

自餘連坐者數十人慎名聞救神色不變為書別姊慎餘合掌指天而縊

三司按王忠嗣上曰吾兒居深宮安得與外人通謀此必妄也

考異曰新傳李林甫屢白太子宜有謀上云云按林甫雖志欲害太子亦未肯自言之今不取但劾忠嗣

沮撓軍功劫戶繁翻又戶得翻沮在哥舒翰之入朝

也或勸多齎金帛以救忠嗣翰曰若直道尚存王公

必不冤死如其將喪喪息浪翻多賂何為遂單囊而行三

司奏忠嗣罪當死翰始遇知於上力陳忠嗣之冤且

請以己官爵贖忠嗣罪上起入禁中翰叩頭隨之言

與淚俱上感寤己亥貶忠嗣漢陽太守漢陽郡沔州李

林甫屢起大獄別置推事院於長安以楊釗有掖庭

之親掖音亦出入禁闈所言多聽乃引以為援擢為御

史事有微涉東宮者皆指撻使之奏劾付羅希奭吉

溫鞠之釗因得逞其私志所擠陷誅夷者數百家皆

釗發之撻他歷翻擠子西翻又子細翻幸太子仁孝謹靜張垆高力

士常保護於上前故林甫終不能閒也閒古莧翻考異曰明皇

雜錄云士與李林甫議立太子意屬忠王林甫從容

言於上曰古者建立儲君必推賢德苟非有大勳於

社稷則惟元子上默然曰朕長子琮往年因獵苑中

所傷面目尤甚林甫曰破面不猶愈於破國乎陛下

其圖之上微感其言徐思之林甫亦素知其有疾意

欲動搖肅宗而託附武惠妃因以壽王瑁為請竟以

蕭宗孝友聰明中外所屬故姦邪之計莫得行焉按是時忠王若未為太子上用林甫之言則琮為太子矣安能及瑁新書林甫傳云林甫數危太子未得志一日從容曰古者立儲君非有大勳於社稷則莫若元子帝久之曰慶主獵為豹傷面甚荅曰破面不愈於被國乎帝頗惑曰朕徐思之此則情理似近然新書此事必出於雜錄若太子已立則不當云止與林甫議立太子意屬忠王也今雜錄本於所傷字上脫為豹兩字別本必有之按說文豹獸名無前足此非常有之物或者豹字誤為豹字耳事既可疑今不取

十二月壬戌發馮翊華陰民夫築會昌城置百司

華陰郡華州馮翊郡同州華州化翻王公各置第舍土畝直千金癸亥

上還宮 丙寅命百官闕天下歲貢物於尚書省既

而悉以車載賜李林甫家上或時不視朝朝直遙翻百司

悉集林甫第門臺省為空陳希烈雖坐府無一人入

謂者林甫于岫為將作監唐初曰將作大匠龍朔改曰繕工監光宅改曰營繕

監神龍復曰將作監頗以滿盈為懼嘗從林甫遊後園指役夫

言於林甫曰大人久處鈞軸怨仇滿天下一朝禍至

欲為此得乎林甫不樂曰勢已如此將若之何先是

宰相皆以德度自處不事威勢騶從不過數人士民

或不之避林甫自以多結怨常虞刺客出則步騎百

餘人為左右翼金吾靜街前驅在數百步外公卿走

避若則重關復壁處昌呂翻樂音洛先悉薦翻騶則尤翻從才用翻騎奇寄翻下同重

直龍翻以石甃地甃則又翻牆中置板如防大敵一夕屢徙

牀雖家人莫知其處宰相騶從之盛自林甫始 初

將軍高仙芝本高麗人麗力知翻從軍安西仙芝驍勇善

騎射曉堅堯翻節度使夫蒙靈登屢薦至安西副都護都

知兵馬使充四鎮節度副使吐蕃以女妻小勃律王

小勃律去長安九千里而羸距吐蕃贊普牙三千里妻七細翻及其旁二十餘國皆

附吐蕃貢獻不人前後節度使討之皆不能克制以

仙芝為行營節度使將萬騎討之將即亮翻自安西行百

餘日乃至特勒滿川分軍為三道特勒滿川即五識匿國所居三道一

由北谷道一由赤佛道仙芝自由護密道期以七月

十三日會吐蕃連雲堡下連雲堡南依山北據娑勒川以為固有兵近

萬人近其斬翻不意唐兵猝至大驚依山拒戰礮櫺如雨

仙芝以郎將高陵李嗣業為陌刀將礮匹貌翻櫺虛對翻礮即砲石

杜祐曰櫺木長五尺徑一尺小至六七寸唐六典武庫分掌兵器辨其名數以備國用刀之制有四曰儀

刀曰障刀曰橫刀曰陌刀儀刀蓋古斑劍之類宋晉以來謂之御刀後魏曰長刀皆施龍鳳環至隋謂之

儀刀裝飾以金銀羽儀所執障刀蓋用以障身以禦敵橫刀佩刀也兵士所佩名亦起於隋陌刀長刀也

步兵所持蓋古之斬馬劍令之曰不及日中決須破虜嗣業執一

旗引陌刀緣險先登力戰自辰至巳大破之考異曰舊嗣

業傳云天寶七載今從實錄及封常清傳斬首五千級捕虜千餘人餘皆

逃潰中使邊令誠以入虜境已深懼不敢進邊令誠時為監

軍使疏仙芝乃使令誠以羸弱三千守其城羸倫復

進三日至坦駒嶺下峻阪四十餘里復扶又翻前有阿弩

越城仙芝恐士卒憚險不肯下先令人胡服詐為阿

弩越城守者迎降降戶江翻云阿弩越赤心歸唐娑夷水

藤橋已斫斷矣娑夷水即弱水也小勃律王居孽多城臨娑夷水娑素

禾翻其水不能勝草芥勝音升藤橋者通吐蕃之路也仙

芝陽喜士卒乃下又三日阿弩越城迎者果至明日

仙芝入阿弩越城遣將軍席元慶將千騎前行謂曰

小勃律聞大軍至其君臣百姓必走山谷走音奏第呼

出取繒帛稱救賜之繒慈陵翻大臣至盡縛之以待我元

慶如其言悉縛諸大臣王及吐蕃公主逃入石窟取

不可得仙芝至斬其附吐蕃者大臣數人藤橋去城

猶六十里仙芝急遣元慶往斫之甫畢吐蕃兵大至

已無及矣藤橋闊盡一矢勿修之其年乃成八月仙

芝虜小勃律王及吐蕃公主而還九月至連雲堡與

邊令誠俱月末至播密川遣使奏狀奏捷狀於京師使疏吏翻至

河西此河西白馬河西也自安西出柘厥關度白馬河夫蒙靈誓怒仙芝不

先言心而遽發奏一不迎勞一猶言一切也勞力到翻罵仙芝曰

噉狗糞高麗奴噉徒濫翻又徒覽翻汝官皆因誰得而不待我

處分處昌呂翻分扶問翻擅奏捷書高麗奴汝罪當斬但以汝

新有功不忍耳仙芝但謝罪邊令誠奏仙芝深入萬

里立奇功今日夕憂死

通鑑卷三百一十五 唐紀三十五 卷一百一十五

資治通鑑卷第二百一十五 津藩石川之圭喜多顯同校

資治通鑑卷第二百一十六

端明殿學士兼翰林侍讀學士太中大夫提舉西京嵩山崇福宮上柱國河
內郡開國公食邑二千二百戶食實封九百戶賜紫金魚袋臣司馬光奉
勅編集

後學 天台胡三省 音註

蓋上左補
己巳二字

唐紀三十二 起疆畝大淵獻十二月盡昭陽大荒
落凡六年有奇始于丑十二月終癸

己凡六年
零一月

玄宗至道大聖大明孝皇帝下之上

天寶六載載子
亥翻十二月己巳上以仙芝為安西四鎮

通鑑卷三百一十六 唐紀三十五 玄宗

節度使徵靈訾入朝使疏吏翻靈訾大懼仙芝見靈

訾趨走如故靈訾益懼副都護京兆程千里押牙畢

思琛及行官王滔等押牙者盡管節度使牙內之事

及巡內郡縣皆平日構仙芝於靈訾者也仙芝面責

千里思琛曰公面如男子心如婦人何也又粹滔等

欲笞之粹才沒翻既而皆釋之謂曰吾素所恨於汝

者欲不言恐汝懷憂今既言之則無事矣軍中乃安

初仙芝為都知兵馬使猗氏人封常清少孤貧細瘦

類目少詩照翻一足偏短求為仙芝嫌不納常清日

候仙芝出入不離其門凡數十日兼苦念翻離力仙

下離席同
四字衍

芝不得已留之會達奚部叛夫蒙靈訾使仙芝追之

斬獲略盡常清私作捷書以示仙芝皆仙芝心所欲

言者由是一府奇之仙芝為節度使即署常清判官

仙芝出征常為留後唐諸使之屬判官位次副使盡

朝或外而未有代皆有知留後事其後遂以節度留

後為稱至我朝遂以留後為承宣使資序未應建節

者為仙芝乳母子鄭德詮為郎將將即仙芝遇之如

兄弟使典家事威行軍中常清嘗出德詮自後走馬

突之而過常清至使院使院留後治事之所節度使

使坐治事亦或就使院使疏使使召德詮每過門輒闔之既至常清離席謂曰

常清本出寒微郎將所知今日中丞命為留後離力

中丞謂高仙芝唐邊鎮諸帥或帶御中丞謂高仙芝唐邊鎮諸帥或帶御

中相陵突因叱之曰郎將須斃死以肅軍政暫與遂

杖之六十面仆地曳出仙芝妻及乳母於門外號哭

救之不及因以狀白仙芝仙芝覽之驚曰已歿邪及

見常清遂不復言號戶高翻常清亦不之謝軍中畏

之惕息史言封常清能治軍政亦緣高自唐興以來

邊帥皆用忠厚名臣不以任不遙領不兼統功名著

者往往入為宰相如李靖李勣劉仁軌婁師德之類

貞王駿張說杜暹蕭嵩李適之其四夷之將雖才略

如阿史那社爾契苾何力猶不專大將之任皆以大

臣為使以制之社爾計高昌侯君集為元帥何力討

翻苾毗必翻及開元中天子有吞四夷之志為邊將

者十餘年不易始久任矣王駿郭知運張皇子則慶

忠諸王宰相則蕭嵩牛仙客始遙領矣諸王事見二

元十五年蕭嵩事見十七年牛仙蓋嘉運王忠嗣專

制數道始兼統矣蓋嘉運事見二百十四卷開元二

古今李林甫欲杜邊帥入相之路以胡人不知書乃

奏言文臣為將怯當矢石不若用寒峻胡人寒謂卑

有事農耕者胡人則勇決習戰寒族則孤立無黨陛

下誠以恩洽其心彼必能為朝廷盡死為于上悅其

舊書李林甫傳峻作族綱目紀事本末陸本皆同

通鑑卷之三十三 天寶七載戊子

言始用安祿山至是諸道節度盡用胡人安祿山安思順哥舒

翰高仙芝皆胡人也精兵咸戍北邊天下之執偏重卒使祿山

傾覆天下皆出於林甫專寵固位之謀也卒子恤翻

七載夏四月辛丑左監門大將軍知內侍省事高力

士加驃騎大將軍知內侍省事自此始唐制勳階二十九驃騎大將軍為之首從一品

監古衙翻驃匹妙翻騎奇寄翻力士承恩歲久中外畏之太子亦呼

之為兄諸王公呼之為翁駙馬輩直謂之爺爺以遮翻俗呼

父為爺自李林甫安祿山輩皆因之以取將相其家富

厚不貲將即亮翻相悉亮翻貲即移翻不貲言不可筭計也於西京作寶壽寺

寺鐘成力士作齋以慶之舉朝畢集宋璟若在必不預斯集矣朝直

遙翻擊鐘一杵施錢百緡施式或翻有求媚者至二十杵少

者不減十杵然性和謹少過善觀時俯仰不敢驕橫

故天子終親任之士大夫亦不疾惡也少詩照翻橫戶孟翻惡鳥路翻

五月壬午羣臣上尊號曰開元天寶聖文神武應

道皇帝上時掌翻救天下免百姓來載租庸擇後魏子孫

一人為三恪三恪二王後注已見前杜佑曰周得天

敬也義取王之所敬故曰三恪天寶十三載公卿議

日三恪二王之議有三說焉一日二王之前更立三

代之後為三恪此據樂記武王克商未及下車封黃

帝堯舜之後下車封夏殷之後而言一日二王之前

但在一代通二王為三恪此據左傳但封胡公以備

三恪明王者所敬先王有二更封一代以備三恪二

云二王之後為一恪妻之父母為二恪夷狄之君為

通鑑卷之三十三 唐紀三十三 玄宗

新書本紀
云以魏周
隋為三恪
案目錄
庚子朔

音錯

以初為長按二王三恪經無正文靈恩據禮記遂以
為通存五代竊恐未安記云尊賢不過二代第三代
者雖遠難師法豈得不錄其後故亦存之示敬其道
而已因謂之三恪故左傳云封胡公以備三恪足知
其無五代也况歷代至今皆以三代為三恪焉以此
攷之蓋以後魏子孫與周隋子孫為三恪也明年尋
罷魏後注
又見後
六月庚子賜安祿山鐵券
度支郎中
兼侍御史楊鈞善窺上意所愛惡而迎之以聚歛驟
遷歲中領十五餘使
鈞音昭歛力贍翻惡烏路翻使
疏吏翻洪邁隨筆曰楊國忠為
度支郎領十五餘使至宰相凡領四十餘使新舊唐
史皆不詳載其職案其拜相制前銜云御史大夫判
度支權知太府卿事兼蜀郡長史劍南節度支度營
田等副大使本道兼山南西道採訪處置使兩京太
府出納監倉祠祭木炭宮市長春九成宮等使關內
道及京畿米訪處置使拜右相兼吏部尚書集賢殿
崇玄館學士修國史太清紫微宮使自餘所領
又有管當租庸鑄錢等使以是觀之槩可見矣
甲辰

遷給事中兼御史中丞專判度支事
度徒
恩幸日隆

蘇冕論曰設官分職各有司存政有恒而易矣
恒

登翻易
以政翻
事歸本而難失經遠之理捨此奚據洎紆

臣廣言利以邀恩多立使以示寵
洎其冀翻
刻下

民以厚歛張虛數以獻狀上心蕩而益奢人望怨

而成禍使天子有司守其位而無其事受厚祿而

虛其用宇文融首唱其端楊慎矜王鉞繼遵其軌

鉞戶
公翻
楊國忠終成其亂仲尼云寧有盜臣而無聚

歛之臣
記大學百乘之家不畜聚歛之
臣與其有聚歛之臣寧有盜臣
誠哉是言

前車既覆後轍未改求達化本不亦難乎

紀事本末
以下有揚
字

冬十月庚戌上幸華清宮 十一月癸未以貴妃姊
適崔氏者為韓國夫人適裴氏者為虢國夫人適柳
氏者為秦國夫人三人皆有才色上呼之為姨出入
宮掖並承恩澤執傾天下每命婦入見音亦命婦外
命婦也見 玉真公主等皆讓不敢就位音真公主
賢遍翻 姊與鈺錡五家凡有請託府縣承迎峻於制救四方
賂遺鈺丑廉翻錡魚倚翻輻湊其門惟恐居後朝夕
如市十宅諸王及百孫院昏嫁十王宅百孫院見二
年皆以錢千緡賂韓虢使請無不如志上所賜與及
四方獻遺五家如一競開第舍極其壯麗一堂之費

注當變還
字

動踰千萬既成見它人有勝己者輒毀而改為彌國
尤為豪蕩一旦帥工徒突入韋嗣立宅即撤去舊屋
緡彌賓翻帥讀自為新第但授韋氏以隙地十畝而
已中堂既成召工巧塲巧音烏塲約錢二百萬復求
賞技復扶又翻號國以絳羅五百段賞之嗤而不顧
曰請取螻蟻蜥蜴嗤丑之翻蜥先擊翻蜴羊益翻師
是則一類耳揚雄方言記其數置堂中苟失一物不
敢受直 十二月戊戌或言玄元皇帝降于朝元閣
上於華清宮中起老君殿殿之北為朝制改會昌縣
元閣以或言老君降于此改日降聖閣
曰昭應廢新豐入昭應辛酉上還宮自溫泉宮還從
宣翻又音如字

通鑑卷二百六 唐紀三十三 玄宗

哥舒翰築神威軍於青海上吐蕃至翰擊破之又築

城於青海中龍駒島吐從瞰入聲青海周入九百里中有山須水合遊牝馬其上明年生駒號龍種謂之應龍城吐蕃屏跡不敢近青海

屏必鄧翻是歲雲南王歸義卒子閣羅鳳嗣以其

子鳳迦異為陽瓜州刺史卒子恤翻嗣祥吏翻南詔王父子相繼其子必以父

號下一字冠於己所號之上歸義本號皮邏閣帝賜名歸義其子號閣羅鳳是以閣字冠其號之上也閣

羅鳳之子號鳳迦異是以鳳字冠其號之上也其後至豐祐乃革其舊開元二十六年考異不取此說然

二百四十三卷穆宗之長慶四年則又書豐祐不與父連名事

入載春二月戊申引百官觀左藏唐六典曰周禮有

之在外者掌邦布之入出以供百物而待邦用者也又有職幣上士屯士主貨幣之入者也並今左藏之

職至秦漢則分在司農少府後漢少府屬官有中藏府令丞掌中藏幣帛金銀貨物魏氏因之晉少府屬

官有左右藏令東晉御史九人各掌一曹有庫曹御

史後復分庫曹置外左庫內左庫宋文帝省外左庫

而內左庫直曰左庫齊梁陳有右藏庫而無左藏北

齊太府寺統左右藏令丞後周有外府上士中士隋

有左右藏署令丞唐左藏有東庫西庫朝堂庫又有

東都庫余按雍錄太極宮中東左藏庫西左藏庫東

庫在恭禮門之東西庫在安仁門之西大明宮中有

左藏庫在麟德殿之左又有右藏署令掌邦國寶貨

雜物而天下賦調之正數錢物則賜帛有差是時州

皆歸左藏也藏徂浪翻下帑藏同縣殷富倉庫積粟帛動以萬計楊釗奏請所在糶變

為輕貨及徵丁租地稅皆變布帛輸京師屢奏帑藏

充物古今罕儔故上帥羣臣觀之釗音昭帥賜釗紫

衣金魚以賞之上以國用豐衍故視金帛如糞壤賞

舊書本紀
無等字

賜貴寵之家無有限極三月朔方節度等使張齊

丘於中受降城西北五百餘里木刺山築橫塞軍以

振遠軍使鄭人郭子儀為橫塞軍使橫塞軍本名可敦城按宋白續

通典橫塞軍初置在飛狐後移蔚州開元六年張嘉貞移於古代郡大安城南以為九姓之援天寶十二

年改為天德軍參考諸書橫塞軍即橫野軍天寶元年書河東節度統橫野軍開元六年所移者也此築

橫塞軍在可敦城者也振遠軍在單于府界鄭縣漢屬京兆後魏置東雍州并華山縣西魏改華州隋開

皇初廢郡大業初廢州復置鄭縣屬京兆唐屬華州使疏吏翻降戶江翻刺盧達翻

咸寧太守趙奉璋咸寧郡本丹州丹陽郡告李林甫

罪二十餘條狀未達林甫知之諷御史逮捕以為妖

言杖殺之妖於喬翻先是折衝府皆有木契銅魚朝廷

徵發下救書契魚

唐制銅魚符所以起軍旅王畿之內左

左者在外行用之日從第一為首後事須用依次發

之周而復始木契之制若太子監國則王畿之內左

右各三王畿之外左右各五度官鎮守則左右各十

唐六典符寶郎掌符節曰木契者所以重鎮守慎出

納車駕巡幸皇太子監國有兵馬受處分者為木契

并行軍所及領軍五百人馬五百匹以上征討皆給

木契三公以下兩京留守及諸州有兵馬受處分亦

給木契曰銅魚符者所以起軍旅易守長兩京留守

若諸州諸軍折衝府諸處捉兵鎮守之所及官總監

皆給魚符程大昌演繁露曰唐世左魚之外又有救

牒將之故兼各魚書先悉薦翻下退嫁翻都督郡府參驗皆合然後遣之

自募置曠騎曠騎見二百一十二卷開元十三年曠音郭又音霍府兵日益墮

壞墮讀歿及逃亡者有司不復點補復扶其六馱馬

牛器械糗糧耗散略盡馱徒何翻府兵入宿衛者謂

馱去九翻

通鑑卷三百六十一 唐紀三十三 玄宗

一本翻下
有下同二
字

通鑑卷三百一十一 唐紀三十三

之侍官言其為天子侍衛也其後本衛多以假人役

使如奴隸長安人羞之至以相詬病記儒行曰今眾人以儒相詬病

注以儒相靳故相戲詬病猶耻辱也杜預云戲而相愧為靳詬音遣文呵侯翻其戍邊者又

多為邊將苦使利其歛而沒其財將即亮翻由是應為府

兵者皆逃匿至是無兵可交五月癸酉李林甫奏停

折衝府上下魚書是後府兵徒有官吏而已唐府兵之制十

人為火火有長火備六馱馬凡火具烏布幕鐵馬孟布槽錘鑿鑿碓篋斧鉞鋸皆共甲牀二鎌二十五十人

為隊隊具火鑽一胸馬繩一首羈足絆皆三人具弓一矢三十胡祿橫刀礪石大觿氈帽氈裝行滕皆一

麥飯九斗米二斗皆自備其介冑戎具藏于庫有所征行則視其入而出給之其番上宿衛者惟給弓矢

橫刀而已今皆耗廢非其舊矣其折衝果毅又歷年不遷士大夫亦

耻為之其曠騎之法天寶以後稍亦變廢應募者皆

市井負販無賴子弟孔穎達曰白虎通云因井為市故曰市井應劭通俗文云市恃

也養贍老小恃以不匱也俗說市井謂至市者於井上洗濯其物香潔及自嚴飾乃到市也謹案古者二

十畝為一井因為市交易故稱市井然則本由井田之中交易為市故國都之市亦因曰市井案禮制九

夫為井應劭二十畝為井者劭依漢書食貨志一井八家家有私田百畝公田十畝餘二十畝以為井竈

廬舍故言二十畝耳未嘗習兵時承平日久議者多

謂中國兵可銷於是民間挾兵器者有禁子弟為武

官父兄擯不齒猛將精兵皆聚於西北中國無武備矣

太白山人李渾等上言水經注曰武功縣有太白山古又以為終南亦日中

南亦曰太白山在武功縣南去長安二百里不知其高幾何俗云武功太白去天三百杜彥遠曰太白山

通鑑卷三百一十一 唐紀三十三 玄宗

新書本紀
哥舒翰克
石堡城係
乙卯

南連武功山於諸山最為秀傑冬夏積雪望之皓然
隋志曰太一山在整屋縣界新志曰太白山在郿縣
見神人言金星洞有玉板石記聖主福壽之符命御
史中丞王鉷入仙遊谷求而獲之上以符瑞相繼皆
祖宗休烈六月戊申上聖祖號曰大道玄元皇帝上
高祖號曰神堯大聖皇帝太宗號曰文武大聖皇帝
高宗號曰天皇大聖皇帝中宗號曰孝和大聖皇帝
睿宗號曰玄真大聖皇帝竇太后以下皆加號曰順
聖皇后 辛亥刑部尚書京兆尹蕭炅坐賊左遷汝
陰太守汝陰郡 潁州 上命隴右節度使哥舒翰帥隴右
河西及突厥阿布思兵益以朔方河東兵凡六萬三

千攻吐蕃石堡城厥九勿翻吐 其城三面險絕惟一

徑可上上時 吐蕃但以數百人守之多貯糧食積楛

木及石貯丁呂翻 唐兵前後屢攻之不能克翰進攻

數日不拔召裨將高秀巖張守瑜欲斬之高秀巖後

守大同蓋二人 二人請三日期可克如期拔之獲吐

蕃鐵刃悉諾羅等四百人唐士卒歿者數萬果如王

忠嗣之言王忠嗣言見 頃之翰又遣兵於赤嶺西開

屯田以謫卒二千戍龍駒島冬冰合吐蕃大集戍者

盡沒深入虜境聲援不接 閏月乙丑以石堡城為

神武軍又於劔南西山索磨川置保寧都護府置保

通鑑卷之三十三 唐紀三十三 天寶九載庚寅

護府以領符起丙寅上謁太清宮天寶元年正月得靈符起

西京大寧坊東京置於東宮積善坊臨淄舊邸天下

諸郡各置玄元像於開元觀至二年三月十三日改

在京玄元宮為太清宮東京為不卯羣臣上尊號曰

開元天地大寶聖文神武應道皇帝赦天下禘祫自

今於太清宮聖祖前設位序正秋七月冊突騎施

移撥為十姓可汗騎奇奇翻可從八月乙亥護密

王羅真檀入朝朝直請留宿衛許之拜左武衛將軍

冬十月乙丑上幸華清宮十一月乙未吐火羅

葉護失里怛伽羅遣使表稱竭師王親附吐蕃怛當

伽求加翻使疏吏翻困苦小勃律鎮軍阻其糧道臣

思破凶徒望發安西兵以來歲正月至小勃律六月

至大勃律竭師亦曰羯師胡種也與吐火羅鄰接大

勃律或曰布露直吐蕃西其北即小勃律也上許之

九載春正月己亥上還宮羣臣屢表請封西嶽許

之二月楊貴妃復忤旨送歸私第楊妃初忤旨見

又翻忤戶部郎中吉溫因宦官言於上曰婦人識慮

不遠違忤聖心陛下何愛宮中一席之地不使之就

歿豈忍辱之於外舍邪吉溫此言欲以自結上亦悔

之遣中使賜以御膳妃對使者涕泣曰妾罪當歿

下幸不殺而歸之今當永離掖庭使疏吏翻下同離

據舊書紀
羣臣上友
有庚戌二
字

通鑑卷之三十三 唐紀三十三 天寶九載庚寅

金玉珍玩皆陛下所賜不足為獻惟髮者父母所與

敢以薦誠乃翦髮一繚而獻之繚力上遽使高力士

召還寵待益深還從宣翻又如字婦人女子最為難

出而復召還則彼之怙寵悍悖將無所不至明皇時

諸貴戚競以進食相尚上命宦官姚思藝為檢校進

食使水陸珍羞數千盤一盤費中人十家之產中書

舍人竇華嘗退朝使疏吏翻值公主進食列于中衢

傳呼按轡出其間宮苑小兒數百奮挺於前兒宮苑小

使領之擬華僅以身免安西節度使高仙芝破竭

師虜其王勃特沒竭丘竭翻考異曰實錄去載十

一月吐火羅葉護請使安西兵討

竭師上許之不見出師今載三月庚子冊竭師國王

勃特沒兄素迦為王冊曰頃勃特沒於卿不孝于國

不忠不言竭師為誰所破按十載正月高仙芝擒竭師王來獻然則竭師為仙芝所破也三月庚

子立勃特沒之兄素迦為竭師王迦音上命御史

大夫王鉞鑿華山路設壇場於其上鉞戶公翻是春

關中旱辛亥嶽祠災制罷封西嶽夏四月己巳御

史大夫宋渾坐賊巨萬流潮陽潮陽郡本潮州義初

吉温因李林甫得進天寶四載吉温鞠兵及兵部待

郎兼御史中丞楊鈞恩遇浸深温遂去林甫而附之

為鈞畫代林甫執政之策鈞音昭為蕭昊及渾皆林

甫所厚也昊火求得其罪使鈞奏而逐之以翦其心

紀云二月
壬午御史
大夫宋渾
坐賊及姦
長流高要
郡

腹林甫不能救也 五月乙卯賜安祿山爵東平郡

王唐將帥封王自此始將即亮翻 帥所類翻 秋七月乙亥置

廣文館於國子監以教諸生習進士者時廣文館置 博士二員助

教一 八月丁巳以安祿山兼河北道採訪處置使

朔方節度使張齊丘給糧失安軍士怒毆其判官

毆鳥口翻 兵馬使郭子儀以身捍齊丘乃得免世皆知郭 子儀得衆

然後能捍免張齊丘而不知當 癸亥齊丘左遷濟陰

太守濟陰郡曹州 濟子禮翻 以河西節度使安思順權知朔方

節度事 辛卯處士崔昌上言處昌呂翻 上時掌翻 國家宜承

周漢以土代火周隋皆閏位不當以其子孫為二王

據新書本 紀辛卯上 左補九月 二字舊書

作九月乙卯案乙卯晦

後事下公卿集議下退 嫁翻 集賢殿學士衛包上言集議

之夜四星聚於尾天意昭然上乃命求殷周漢後為

三恪廢韓介鄴公韓元魏後介後周後鄴隋後鄴戶 圭翻孔穎達曰古春秋左氏說周

家封夏殷二王之後以為上公封黃帝堯舜之後謂

之三恪鄭氏云所存二王之後者命使郊天以天子

之禮祭其始祖受命之王自行其正朔服色恪者敬

也敬其先聖而封其後與諸侯無殊異不得比夏殷

後以昌為左贊善大夫包為虞部員外郎 冬十月

庚申上幸華清宮 太白山人王玄翼上言見玄元

皇帝言寶仙洞有妙寶真符考異曰舊志王鉞奏 玄翼見玄元于寶仙洞

中遣鉞與張均王倕王濟王翼王嶽靈于洞中得玉 石函上清護國經寶券紀籙等獻之今從實錄云

命刑部尚書張均等往求得之時上尊道教慕長生

故所在爭言符瑞羣臣表賀無虛月李林甫等皆請

捨宅為觀觀古玩翻以祝聖壽上悅安祿山屢誘奚契

丹為設會飲以葇蓉酒本草曰葇蓉子生海邊川谷今處處有之苗莖高二三尺

許葉與地黃紅藍等而二指濶四月開花紫色苗夾莖有白毛五月結實有殼作罌子狀如小石榴房中

子至細青白如米粒毒甚煮一二日而芽方生以釀酒其毒尤甚為干偽翻下先為同飲于煬翻葇蓉音浪

若音蕩醉而阮之動數千人函其酋長之首以獻前後

數四至是請入朝上命有司先為起第於昭應時王公皆

私置第于昭應獨祿山以承恩命有司起第西慈由翻長知兩翻朝直遙翻祿山至戲水

戲許楊釗兄弟姊妹皆往迎之冠蓋蔽野上自幸望

春宮以待之辛未祿山獻奚俘八千人上命考課之

日書上上考前此聽祿山於上谷鑄錢五壚祿山乃

獻錢樣千緡緡彌頻翻楊釗張易之之甥也釗音昭考異曰鄭

審天寶故事云楊國忠本張易之之子天授中張易之恩幸莫比每歸私第詔令居樓上仍去其梯毋恐

張氏絕嗣乃密令女奴蟻珠上樓遂有娠而生國忠其說曖昧無稽今不取奏乞昭雪易

之兄弟易之兄弟誅見二百八卷中宗神龍元年庚辰制引易之兄弟迎

中宗於房陵之功迎中宗非特二張倡其議也事見二百六卷武后聖曆元年復

其官爵考異曰唐曆在七月二十五日今從實錄仍賜一子官釗以圖

識有金刀請更名識楚諧翻更工衡翻上賜名國忠十二月

乙亥上還宮關西遊弈使王難得擊吐蕃克五橋

拔樹敦城以難得為白水軍使使疏吏翻吐從職入聲樹敦城以古犬戎

通鑑卷二百六十一 唐紀三十一 天寶十載辛卯

王樹惇名城隋在吐谷渾界唐在吐蕃界 安西四鎮節度使高仙芝偽

與石國約和引兵襲之虜其王及部衆以歸悉殺其

老弱仙芝性貪掠得瑟瑟十餘斛使疏吏翻張揖廣雅曰瑟瑟碧珠也

黃金五六橐駝其餘口馬雜貨稱是皆入其家為石國王

子扇誘諸國以覆仙芝之師張本稱尺證翻 楊國忠德鮮于仲通鮮于仲通資給

國忠又推轂之事見上卷四載 薦為劔南節度使仲通性褊急失蠻

夷心褊補典翻 故事南詔常與妻子俱謁都督過雲南雲

南太守張虔陀皆私之過古禾翻雲南郡姚州守式又翻 又多所徵

求南詔王閣羅鳳不應虔陀遣人詈辱之仍密奏其

罪閣羅鳳忿怒是歲發兵反攻陷雲南殺虔陀取夷

州三十二夷州在西南夷附化羈縻之州也

十載春正月壬辰上朝獻太清宮癸巳朝享太廟載祖

亥翻朝直遥翻 甲子合祭天地於南郊赦天下免天下今載

地稅上書壬辰癸巳下書丁酉則甲子當作甲午 丁酉命李林甫遥領朔方

節度使以戶部侍郎李暉知留後事 庚子楊氏五

宅夜遊楊銛錡及韓號秦三夫人為五宅 與廣平公主從者爭西市

門廣平新書作廣寧公主主上女也從才用翻 楊氏奴揮鞭及公主衣公主

墜馬駙馬程昌裔下扶之亦被數鞭公主泣訴於上

上為之杖殺楊氏奴被皮義翻為于偽翻 明日免昌

裔官不聽朝謁 上命有司為安祿山治第於親仁

二書高仙芝傳其餘口馬雜貨六字作名馬寶玉

一本遙翻下有下同 二字 書本紀作甲午唐會要同

目錄治作起新書安

通鑑卷二百六十一

唐紀三十一

玄宗

七

祿山傳綱
目紀事本
末陸本皆
同
異本方字
上下并有
一字六作
八紀事本
末同

坊治直敕令但窮壯麗不限財力既成具幄帟器皿

充物其中如檀生南海種有黃白紫有帖白檀床二皆長丈闊六尺本草圖經曰檀香木

於厨廩之物皆飾以金銀金飯甕二甕於耕翻金也銀淘盆

二淘盆所以皆受五斗織銀絲筐及笊籬各一筐去王翻所以

瀝米笊側絞翻籬音離籬籬所以它物稱是稱尺證翻雖禁中服御

之物殆不及也上每令中使為祿山護役護監護也使疏吏翻

下築第及造儲侍賜物常戒之曰胡眼太勿令笑我

侍直里翻大祿山入新第置酒乞降墨敕請宰相至第

是日上欲於樓下擊毬遽為罷戲命宰相赴之日遣

諸楊與之選勝遊宴侑以梨園教坊樂梨園皇帝梨園弟子也教坊也

坊內教上每食一物稍美或後苑校獵獲鮮禽輒遣

中使走馬賜之絡繹於路甲辰祿山生日上及貴妃

賜衣服寶器酒饌甚厚饌雜戀翻又雜皖翻後三日召祿山入

禁中貴妃以錦繡為大襜褕裏祿山使宮人以絲輿

昇之襜居兩翻昇羊茹翻上聞後宮歡笑問其故左右以貴妃

三日洗祿兒對上自往觀之喜賜貴妃洗兒金銀錢

復厚賜祿山盡歡而罷復扶又翻自是祿山出入宮掖不

禁或與貴妃對食或通宵不出頗有醜聲聞於外上

亦不疑也聞音問觀明皇所以待祿山者昏庸之主所不為殆天奪之魄也考異曰祿山事

紀事本末
歡作喧陸
本同

通鑑卷之三百三十五 唐紀六十五 德宗

迹正月二十日祿山生日玄宗及太真賜祿山器皿衣服件目甚多後三日召祿山入內貴妃以錦繡縵縛祿山令內人以綵輿舁之宮中歡呼動地玄宗使人問之報云貴妃與祿兒作三日洗兒玄宗就觀之大悅因賜貴妃洗兒金銀錢物極歡而罷自是宮中皆呼祿山為祿兒不禁其出入温畚天寶亂離西幸記祿山詔約楊妃誓為子母自號國已下次及諸王皆戲祿兒與之促膝娛宴上時聞後宮三千合處喧笑密偵則祿山果在其內貴戚孫雜未之前聞凡曰鈔髮皆昭厚利或通宵禁掖睨狎嬪嬙和士開之出入臥內方此為疎薊城侯之獲厠刑餘又奚足尚王仁裕天寶遺事云祿山常與妃子同食無所不至帝恐外人以酒毒之遂賜金牌于臂上每有王公召宴欲沃以巨觥即祿山以金牌示之云準敕戒酒今略取之

安西節度使高仙芝入朝獻所擒突騎施可汗吐蕃酋長石國王竭師王加仙芝開府儀同三司尋以仙芝為河西節度使代安思順諷羣胡割

耳勞面請留心制復留思順於河西務力之翻 復扶又翻安

祿山求兼河東節度二月丙辰以河東節度使韓休

珉為左羽林將軍以祿山代之戶部郎中吉温見祿

山有寵又附之約為兄弟說祿山曰李右丞相雖以

時事親三兄天寶元年改侍中為左相中書令為右相李林甫時為右相中書令之職也丞

字衍安祿山第三說式芮翻不必肯以兄為相温雖蒙驅使終不

得超擢兄若薦温於上温即奏兄堪大任共排林甫

出之為相必矣祿山悅其言數稱温才於上上亦忘

曩日之言數所角翻忘巫放會祿山領河東因奏温

為節度副使知留後以大理司直張通儒為留後判

大理司直從六品上通判官是後節鎮有帶六曹尚書有帶三省長官有

帶三公三師其屬亦率帶六品以下朝職謂之帶職

黃琮曰外官帶職有憲衙有檢校憲衙自監察御史

至御史大夫檢校自國子祭酒至三公唐及五代之制也

河東事悉以委之是時

楊國忠為御史中丞方承恩用事祿山登降殿階國

忠常扶掖之掖音亦祿山與王鉞俱為大夫鉞權任亞

於李林甫祿山見林甫禮貌頗倨林甫陽以它事召

王大夫鉞至趨拜甚謹祿山不覺自失容貌益恭林

甫與祿山語每揣知其情先言之揣初委翻祿山驚服祿

山於公卿皆慢侮之獨憚林甫每見雖盛冬常汗沾

衣林甫乃引與坐於中書廳廳他經翻中庭日聽事

乃始加冠而徑以聽撫以温言自解披袍以覆之

祿山忻荷言無不盡盡翻謂林甫為十郎林甫第十

既歸范陽劉駱谷每自長安來必問十郎何言得美

言則喜或但云語安大夫語牛須好檢校輒友手據

牀曰噫嘻我歿矣祿山既兼領三鎮賞刑已出日益

驕恣自以曩時不拜太子事見上卷六載見上春秋高頗內

懼又見武備墮弛墮讀日隳有輕中國之心孔目官嚴莊

孔目官衙前吏職也唐世始有此名言凡

使司之事一孔目皆須經由其手也

尚掌書記位判官下因為之解圖讖勸之作亂偽為

讖楚祿山養同羅奚契丹降者八千餘人謂之曳落

落

通鑑卷二百六十一 唐紀三十三 玄宗

河契欺訖翻又音契降戶江翻考異曰祿山事曳落

河者胡言壯士也及家僮百餘人皆驍勇善戰一可

當百又畜戰馬數萬匹驍堅堯翻畜許六翻多聚兵仗分遣商

胡詣諸道販鬻歲輸珍貨數百萬輸春遇翻私作緋紫袍

魚袋以百萬計以高尚嚴莊張通儒及將軍孫孝哲

為腹心史思明安守忠李歸仁蔡希德牛廷珣向潤

容向式亮翻姓也李庭望崔乾祐尹子奇何千年武令珣能

元皓能奴代翻何氏姓苑云能姓出自長廣田承嗣田乾真阿史那承

慶為爪牙尚雍奴人雍奴天寶元年更名武清屬本范陽郡此因舊縣名書之

名不危頗有辭學薄遊河朔貧困不得志常歎曰高

不危當舉大事而歛豈能齧州根求活邪祿山引置

幕府出入臥內尚典箴奏莊治簿書治直之翻通儒萬歲

之子張萬歲唐初掌廐牧通儒必非其子或者其孫也否則別又有一張萬歲孝哲契丹

也承嗣世為盧龍小校祿山以為前鋒兵馬使嘗大

雪祿山按行諸營校戶教翻使疏吏翻行下孟翻至承嗣營寂若無

人入閱士卒無一人不在者祿山以是重之夏四

月壬午劔南節度使鮮于仲通討南詔蠻大敗於瀘

南瀘水之南也武后垂拱元年置長城縣屬姚州天寶初更名瀘南縣考異曰楊國忠傳南蠻質子

仲通為益州長史令帥精兵八萬討南蠻按南詔傳

七年蒙歸義死詔閣羅鳳襲雲南王不云嘗為質子

士歸也九年姚州自以張虔陀侵之故反時鮮于仲

異本使下
有治軍嚴
正四字綱
目紀事本
末陸本皆
同
壬午晦

舊書本紀
八作六新
書揚國忠
傳同此取
舊書傳

通已為益州長史國忠傳與南時仲通將兵八萬分

二道出戎雋州至曲州靖州分爲二道一道出戎州一道出雋州也自戎州

開邊縣西行七十里至曲州自雋州西南行入百餘

里渡瀘水曲州本隋之恭州古朱提之地武德八年

更名曲州靖州隋屬協州古夜郎地武德初分協州置靖州雋音隨南詔王閣羅鳳謝

罪請還所俘掠城雲南而去去年南詔攻陷雲南城必有夷毀處故請城之

以謝且曰今吐蕃大兵歷境若不許我我將歸命吐

蕃雲南非唐有也仲通不許囚其使進軍至西洱河

與閣羅鳳戰軍大敗使疏吏翻士卒死者六萬人仲

通僅以身免楊國忠掩其敗狀仍叙其戰功日唐曆

二云令仲通白衣領節度事舊傳無之閣羅鳳歛戰尸

按既掩敗叙功豈得復白衣領職

新書南蠻
傳爵作賞
紀事本末
同

築為京觀觀古玩翻遂北臣於吐蕃蠻語謂第為鍾吐蕃

命閣羅鳳為贊普鍾號曰東帝給以金印閣羅鳳刻

碑於國門言已不得已而叛唐且曰我世世事唐受

其封爵後世容復歸唐當指碑以示唐使者知吾之

叛非本心也其後德宗之世異牟尋制大募兩京及

河南北兵以擊南詔人聞雲南多瘴癘未戰士卒死

者什入九莫肯應募楊國忠遣御史分道捕人連枷

送詣軍所舊制百姓有勲者免征役時調兵既多徒調

國忠奏先取高勲於是行者愁怨父母妻子送之

所在哭聲振野高仙芝之虜石國王也石國王子

通鑑卷二百六十六 唐紀三十三 玄宗

二書李嗣業傳云率兵二萬

逃詣諸胡具告仙芝欺誘貪暴之狀誘音西諸胡皆怒

潛引大食欲共攻四鎮仙芝聞之將蕃漢三萬眾擊

大食將即亮翻考異曰馬字改秀實別傳云蕃漢六萬眾今從唐曆深入七百餘

里至恒羅斯城或作怛羅斯城與大食遇相持五日葛羅祿

部眾叛葛羅祿即葛羅祿與大食夾攻唐軍仙芝大敗士卒

死亡略盡所餘纔數千人右威衛將軍李嗣業勸仙

芝宵遁道路阻隘拔汗那部眾在前人畜塞路拔汗那時

從仙芝擊大嗣業前驅奮大槌擊之人馬俱斃仙芝

乃得過將士相失別將汧陽段秀實汧陽郡本隴州龍東郡元年改

鼎郡名有汧陽縣蓋元魏所置槌待聞嗣業之聲詬曰

八月上脫秋字

詬苦候翻避敵先奔無勇也全已弃眾不仁也幸而得達

獨無愧乎嗣業執其手謝之留拒追兵收散卒得俱

免還至安西言於仙芝以秀實兼都知兵馬使為己

判官八月丙辰武庫火燒兵器三十七萬考異曰唐曆

云四十七萬事今從實錄安祿山將三道兵六萬幽州平盧河東三道以

討契丹以奚騎二千為鄉導騎奇寄翻下同鄉讀曰嚮過平盧千

餘里至土護真水遇雨自雄武軍東北渡灤河有古盧龍鎮有平陸嶺自古盧龍

北經九荆嶺受米城張洪隘度石嶺至奚王帳六百里又東北傍吐護真河五百里至奚契丹牙帳又出

檀州燕樂縣東北百八十五里至長城口祿山引兵

晝夜兼行三百餘里至契丹牙帳契丹大駭時久雨

通鑑卷二百一十五 唐紀三十一 玄宗 三

弓弩筋膠皆弛大將何思德言於祿山曰吾兵雖多

遠來疲弊實不可用不如按甲息兵以臨之不過三

日虜必降將即亮翻下祿山怒欲斬之思德請前驅

效死思德貌類祿山虜爭擊殺之以為已得祿山勇

氣增倍奚復叛與契丹合夾擊唐兵殺傷殆盡射祿

山中鞍折冠簪失屨獨與麾下二十騎走會夜追騎

解得入師州貞觀三年以室韋部落置師州治營州

仲翻折而設翻歸罪於左賢王哥解哥解蓋自突厥來河東

兵馬使魚承仙而斬之平盧兵馬使史思明懼逃入

山谷近二旬近其收散卒得七百人平盧守將史定

方將精兵二千救祿山契丹引去祿山乃得免至平

盧麾下皆亡不知所出史思明出見祿山祿山喜起

執其手曰吾得汝復何憂復扶思明退謂人曰鄉使

早出已與哥解并斬矣史言史思明之智契丹圍師

州祿山使思明擊却之數過於安祿山冬十月壬子幸華清宮

楊國忠使鮮于仲通表請已遙領劍南十一月丙

午以國忠領劍南節度使

十一載春正月丁亥上還宮二月庚午命有司出

粟帛及庫錢數十萬緡於兩市易惡錢考異曰舊

從實錄先是江淮多惡錢貴戚大商往往以良錢

易惡錢五載入長安市并不勝其弊先悉薦翻故李

林甫奏請禁之官為易取期一月不輸官者罪之於

是商賈囂然不以為便賈音古囂許驕眾共遮楊國

忠馬自言國忠為之言於上乃更命非鉛錫所鑄及

穿穴者皆聽用之如故為于偽翻三月安祿山發

蕃漢步騎二十萬擊契丹欲以雪去秋之耻初突厥

阿布思來降事見上卷元年降戶江翻上厚禮之賜姓名李獻忠

累遷朔方節度副使賜爵奉信王獻忠有才略不為

安祿山下祿山恨之至是奏請獻忠帥同羅數萬騎

與俱擊契丹帥讀日獻忠恐為祿山所害白留後張

曄請奏留不行曄不許步祿山金加牙而張曄為留

阿布思獻忠乃帥所部大掠倉庫叛歸漠北祿山遂

頓兵不進乙巳改吏部為文部兵部為武部刑部

為憲部戶部侍郎兼御史大夫京兆尹王鉉權寵

日盛領二十餘使宅旁為使院文案盈積吏求署一

字累日不得前中使賜賚不絕於門使疏吏翻雖李

林甫亦畏避之林甫子岫為將作監鉉子準為衛尉

少卿俱供奉禁中準陵侮岫岫常下之下還然鉉事

林甫謹林甫雖忌其寵不忍害也準嘗帥其徒過駙

馬都尉王繇王繇同皎之子也帥繇望塵拜伏準挾

通鑑卷之百二十一 唐紀三十三 玄宗

彈命中於繇冠折其玉簪以為戲笑彈徒旦翻命中者先命其處而

後中之中竹仲既而繇延準置酒繇所尚永穆公主

上之愛女也黃琮曰皇女有美名公主或以德或以容或以福壽設名最多又有郡公主小

國中為準親執刃七刀七宰夫之職記杜蕢曰蕢也宰夫也惟刀七是共為干偽翻

下同二字準去或謂繇曰鼠雖挾其父執稱之為鼠微之也君乃使

公主為之具食偽翻有如上聞無乃非空繇曰上雖

怒無害至于七郎王鉷第七歿生所繫不敢不爾鉷弟戶

部郎中鐸凶險不法鐸何且翻召術士任海川任音壬姓也問

我有王者之相否相悉亮翻海川懼亡匿鉷恐事洩捕得

託以它事杖殺之王府司馬韋會定安公主之子王

繇之同產也定安公主中宗女下嫁王司徒生繇又嫁韋濯生會話之私庭鉷

使長安尉賈季鄰收會繫獄縊殺之縊於計翻繇不敢言

鐸所善邢縡縡作代翻與龍武萬騎謀殺龍武將軍以其

兵作亂殺李林甫陳希烈楊國忠前期二日有告之

者夏四月乙酉上臨朝朝直遙翻以告狀面授鉷使捕之

鉷意鐸在縡所先使人召之日晏乃命賈季鄰等捕

縡縡居金城坊金城坊朱雀街西第四街之北來第坊漢顧成廟博望苑兵園皆在焉

季鄰等至門縡帥其黨數十人持弓刀格鬪突出帥讀

日鉷與楊國忠引兵繼至縡黨曰勿傷大夫言勿傷

所部人也大國忠之僭密謂國忠曰賊有號不可戰

綱目無與
字辭作辨
特命倒竝
紀事本末
同

新書本紀
殺鐔係乙
酉殺鐔係
丙戌

也今人謂私記為號言賊私為緯鬪且走至皇城西

南隅京城之內有皇城會高力士引飛龍禁軍四百

至飛龍禁軍乘飛龍廐馬者也武后置仗擊斬緯捕

其黨皆擒之國忠以狀白上曰鉞必預謀上以鉞任

遇深不應與同逆李林甫亦為之辯解偽翻上乃特

命原鐔不問然意欲鉞表請罪之使國忠諷之鉞不

恐上怒會陳希烈極言鉞大逆當誅戊子赦希烈與

國忠鞫之仍以國忠兼京兆尹於是任海川韋會等

事皆發獄具鉞賜自盡鐔杖歿於朝堂朝直銜子準

偁流嶺南偁齒尋殺之有司籍其第舍數日不能徧

鉞賓佐莫敢窺其門獨采訪判官裴冕收其尸葬之

王鉞蓋兼京畿采訪使初李林甫以陳希烈易制引為相事

上卷五載政事常隨林甫左右晚節遂與林甫為敵

林甫懼會李獻忠叛林甫乃請解朔方節制且薦河

西節度使安思順自代庚子以思順為朔方節度使

使疏五月戊申慶王琮薨贈靖德太子琮祖宗翻

逸謚字既日贈丙辰京兆尹楊國忠加御史大夫

京畿關內采訪等使凡王鉞所綰使務悉歸國忠

公翻使初李林甫以國忠微才且貴妃之族故善遇

之國忠與王鉞俱為中丞鉞用林甫薦為大夫故國

通鑑卷三百六 唐紀三十三 玄宗

案目錄六月丙子朔無甲子本紀作壬午是也

異本及舊書紀同蜀

忠不悅遂深探邢緯獄

探吐南翻緯作代翻

令引林甫交私

兄弟及阿布思事狀

丁令力翻

陳希烈哥舒翰從而證之

上由是踈林甫國忠貴震天下始與林甫為仇敵矣

六月甲子楊國忠奏吐蕃兵六十萬救南詔

吐從入

聲 劔南兵擊破之於雲南克故隰州等三城

日實錄

兵部侍郎兼御史中丞劔南節度使楊國忠破吐蕃于雲南拔故隰州等三城獻俘于朝唐曆國忠上言

破吐蕃于雲南拔故洪州等三城按國忠時在長安蓋劔南破吐蕃以國忠領節制故使之上表獻俘耳

時國忠已為大夫云中丞誤也隰州從實錄 捕虜六千三百以道遠簡壯

者千餘人及酋長降者獻之

酋慈由翻長知兩翻降戶江翻

秋八

月乙丑上復幸左藏賜羣臣帛

蜀本作己丑當從之八載已嘗幸左藏賜

本

群臣帛矣故此書復復扶又翻藏音徂浪翻

癸巳楊國忠奏有鳳皇見左

藏庫屋出納判官魏仲犀言鳳集庫西通訓門

左藏舊有

令丞而已出納判官蓋帝置也是時分立諸使舊來司存之官備負莫得舉其職楊國忠方承恩遇領使

最多蓋兼領左藏出納使而以魏仲犀為判官也宋白曰天寶二年始命張瑄充太府出納使閣本太極

官西左藏庫之西則通明門見賢遍翻

九月阿布思入寇圍永清柵

永清

柵亦曰永濟柵在中受降城之西二百里大同川

柵使張元軌拒却之

使疏

冬十月戊寅上幸華清宮己亥改通訓門曰鳳

集門魏仲犀遷殿中侍御史楊國忠屬吏率以鳳皇

優得調

調徒鈞翻

南詔數寇邊蜀人請楊國忠赴鎮

楊國忠領劔南蜀人困于兵故請之數所角翻

左僕射兼右相李林甫奏遣

通鑑卷二百六

唐紀三十三玄宗

三

之國忠將行泣辭上言必為林甫所害貴妃亦為之

請上謂國忠曰卿暫到蜀區處軍事朕屈指待卿還

當入相屈指計日以待之亦為于林甫時已有疾憂

懣不知所為懣莫困翻又莫巫言一見上可小愈上

欲就視之左右固諫上乃令林甫出庭中林甫時蓋

第私上登降聖閣遙望天寶七載十二月以玄元皇帝

中清宮以紅巾招之今富貴之家悅巾率以臘脂林甫

不能拜使人代拜國忠比至蜀比必利上遣中使召

還中使疏至昭應謁林甫拜於牀下林甫流涕謂曰

林甫歿矣公必為相以後事累公累力國忠謝不敢

當汗出覆面國忠素憚林甫十一月乙卯林甫夢上

晚年自恃承平以為天下無復可憂復扶遂深居禁

中專以聲色自娛悉委政事於林甫林甫媚事左右

迎合上意以固其寵杜絕言路掩蔽聰明以成其姦

妬賢疾能排抑勝己以保其位屢起大獄誅逐貴臣

以張其勢張知自皇太子以下畏之側足凡在相位

十九年開元二十二年始相林養成天下之亂而上

不之寤也庚申以楊國忠為右相兼文部尚書右

即中書令文其判使並如故判如判度支之類使國

忠為人彊辯而輕躁無威儀既為相以天下為己任

裁決機務果敢不疑居朝廷攘袂拒腕躁則到翻相

遙翻腕公卿以下願指氣使莫不震懼懼之自侍御

史至為相楊國忠兼侍御史凡領四十餘使楊國忠

注已見四葉背

郎領十五餘使至宰相凡領四十餘使新舊唐史皆

不詳載其職案其拜相制前銜云御史大夫判度支

權知太府卿事兼蜀郡長史劍南節度支度營田等

副大使本道兼山南西道採訪處置使兩京太府司

農出納監倉祀祭木炭官市長春九成宮等使關內

道及京畿採訪處置使拜右相兼吏部尚書集賢殿

崇玄館學士修國史太清太微宮使自餘所領臺省

又有管當租庸鑄錢等使以是觀之槩可見

官有才行時名行下不為己用者皆出之或勸陝郡

進士張彖謁國忠陝郡本陝州弘農郡天寶元年更郡各陝失冉翻曰見之

富貴立可圖彖曰君輩倚楊右相如泰山吾以為水

山耳若皎日既出君輩得無失所恃乎遂隱居嵩山

國忠以司勳員外郎崔圓為劍南留後徵魏郡太守

吉溫為御史中丞充京畿關內採訪等使魏郡魏州

先置兩採訪使溫詣范陽辭安祿山魏郡屬河北道

今令溫兼充祿山令其子慶緒送至境為溫控馬出驛

數十步為于溫至長安凡朝廷動靜輒報祿山信宿

而達十二月楊國忠欲收人望建議文部選人無

問賢不肖選深者留之依資據闕注官選須絹翻

此敕在十月二十七日統紀在七月舊紀十二月甲

戌國忠奏請兩京選人銓日便定留放無長各按國

忠作相始兼文部尚書滯淹者翕然稱之國忠凡所

七月未也今從舊紀

通鑑卷三百七十一 唐紀三十一 玄宗

異本人上
有時字綱
目紀事本
末陸本皆
同本當
作舊

施置皆曲狗人所欲故頗得衆譽 甲申以平盧兵

馬使史思明兼北平太守充盧龍軍使使疏 丁亥

上還宮還自華清宮 考異曰本紀唐 曆皆云己亥還京今從實錄 丁酉以安

西行軍司馬封常清為安西四鎮節度使唐制行軍 司馬位節

度副使之上天寶以後節鎮以為備帥 哥舒翰素與安祿山安思順

不協上常和解之使為兄弟是冬三人俱入朝朝直 遙翻

上使高力士宴之於城東祿山謂翰曰我父胡母突

厥公父突厥母胡族類頗同何得不相親翰曰古人

云狐向窟嗥不祥為其忘本故也厥九勿翻窟苦骨 翻嗥戶刀翻為于

偽兄苟見親翰敢不盡心祿山以為譏其胡也大怒

罵翰曰突厥敢爾翰欲應之力士曰翰乃止陽醉

而散自是為怨愈深 棣王琰有二孺人爭寵曲禮 大夫

之妻曰孺人注孺之言屬正義曰孺屬也言其為 親屬唐制親王有孺人二人視正五品孺而樹翻 其

一使巫書符置琰履中以求媚琰與監院宦者有隙

時諸皇子列宿禁城之 北宦者監之監古銜翻 宦者知之密奏琰祝詛上

使人掩其履而獲之大怒琰頓首謝臣實不知有符

上使鞠之果孺人所為上猶疑琰知之囚于鷹狗坊

鷹狗坊屬 閑廐使 絕朝請朝直 遙翻 憂憤而薨 故事兵吏部尚

書知政事者知政事即 宰相之職 選事悉委侍郎以下選須 縮翻 三

注三唱仍過門下省審自春及夏其事乃畢唐制六 品以下

赴選始集而試觀其書判已試而銓察其身言已銓而注詢其便利而擬已注而唱不厭者得反通其辭三唱而不厭者聽冬集厭者為甲上于僕射乃上門下省給事中讀之黃門侍郎省之侍中審之然後以聞主者受旨而奉行焉

及楊國忠以宰相領文部尚書欲自示精敏乃遣令史先於私第密定名闕

十二載春正月壬戌國忠召左相陳希烈及給事中

諸司長官皆集尚書都堂尚書都堂尚書都省之堂也長知兩翻唱注

選人一日而畢曰今左相給事中俱在座已過門下

矣左相即侍中與給事皆門下省官其間資格差繆甚衆無敢言者

於是門下不復過官復扶又翻侍郎但掌試判而已侍郎

韋見素張倚趨走門庭與主事無異吏部主事四見人吏職也

素湊之子也韋湊見二百十卷睿宗景雲元年京兆尹鮮于仲通諷

選人請為國忠刻頌立於省門制仲通撰其辭上為

改定數字撰士免翻為于偽翻仲通以金填之楊國忠使人

說安祿山說式芮翻誣李林甫與阿布思謀反祿山使阿

布思部落降者詰闕誣告林甫與阿布思約為父子

上信之下吏按問降戶江翻下戶嫁翻林甫壻諫議大夫楊齊

宣懼為所累累力瑞翻附國忠意證成之時林甫尚未葬

二月癸未制削林甫官爵子孫有官者除名流嶺南

及黔中黔音琴給隨身衣及糧食自餘貲產並沒官近

親及黨與坐貶者五十餘人剖林甫棺扶取含珠襖

通鑑卷一百一十五 唐紀三十三 文宗

金紫扶於穴翻舍戶更以小棺如庶人禮葬之更工

己亥賜陳希烈爵許國公楊國忠爵魏國公賞其成

林甫之獄也夏五月己酉復以魏周隋後為三恪

改三恪見上九載楊國忠欲攻李林甫之短也衛包以助邪

貶夜郎尉夜郎縣屬秦州貞觀十六年開山洞置崔冒貶烏雷尉烏雷縣帶

陸州阿布思為回紇所破安祿山誘其部落而降之

誘音酉降戶江翻由是祿山精兵天下莫及壬辰以左武

衛大將軍何復光將嶺南五府兵五府廣桂邕容擊

南詔安祿山以李林甫狡猾踰己故畏服之及楊

國忠為相祿山視之蔑如也蔑無也言視之若無也由是有隙

案目錄五月辛丑朔無壬辰

一本注末有注見前三字

舊書王思禮傳無遂字

異本二作三

國忠屢言祿山有反狀上不聽隴右節度使哥舒

翰擊吐蕃拔洪濟大漠門等城悉收九曲部落吐蕃得九

曲地見二百十卷睿宗景雲元年初高麗人王思禮

與翰俱為押牙事王忠嗣翰為節度使思禮為兵馬

使兼河源軍使麗力知翻翰擊九曲思禮後期翰將

斬之既而復召釋之思禮徐曰斬則遂斬復召何為

復扶又翻楊國忠欲厚結翰共排安祿山奏以翰兼河西

節度使秋八月戊戌賜翰爵西平郡王翰表待御史

裴冕為河西行軍司馬是時中國盛彊自安遠門西

盡唐境萬二千里長安城西面北來第一門曰安遠門本隋之開遠門也西盡唐境萬

三

二千里併西域間間相望桑麻翳野天下稱富庶者

無如隴右翰每遣使入奏常乘白橐駝日馳五百里

使疏九月甲辰以突騎施黑姓可汗登里伊羅蜜

施為突騎施可汗北庭都護程千里追阿布思至

磧西以書諭葛邏祿使相應磧七迹翻阿布思窮迫

歸葛邏祿葛邏祿葉護執之并其妻子麾下數千人

送之甲寅加葛邏祿葉護頓毗伽開府儀同三司賜

爵金山王冬十月戊寅上幸華清宮考異曰舊

實錄然實錄在辛巳後蓋誤楊國忠與虢國夫人

居第相鄰虢國居宜陽坊國晝夜往來無復期度或

今本舊書
本紀作戊寅

並轡走馬入朝不施鄣幕婦人出必有障幕以自蔽

道路為之掩目三夫人將從車駕幸華清宮三夫人

也為于會於國忠第車馬僕從充溢數坊從才錦繡

珠玉鮮華奪目國忠謂客曰吾本寒家一旦緣椒房

至此未知稅駕之所然念終不能致令各不若且極

樂耳楊氏五家隊各為一色衣以相別樂音洛別五

家合隊粲若雲錦合音國忠仍以劔南旌節引于其

前國忠子暄舉明經學業荒陋不及格禮部侍郎達

奚珣畏國忠權勢遣其子昭應尉撫先白之撫伺國

忠入朝上馬伺相吏翻趨至馬下國忠意其子必中

通鑑卷二百六 唐紀三十三 玄宗

選有喜色撫曰大人白相公郎君所試不中程式然

亦未敢落也落謂黜落也國忠怒曰我子何患不富

貴乃令鼠輩相賣策馬不顧而去撫惶遽書白其父

曰彼恃挾貴勢令人慘嗟安可復與論曲直復扶遂

置暄上第及暄為戶部侍郎珣始自禮部遷吏部暄

與所親言猶歎己之淹回珣之迅疾國忠既居要地

中外餉遺輻湊遺于季翻積縑至三千萬匹上在華清

宮欲夜出遊龍武大將軍陳玄禮諫曰宮外即曠野

安可不備不虞陛下必欲夜遊請歸城闕上為之引

還為于偽翻還從宣是歲安西節度使封常清擊

大勃律至菩薩勞城新舊書並作賀菩薩勞城前鋒屢

捷常清乘勝逐之斥候府果殺段秀實諫曰新書作

右山林常清從之果獲伏兵遂大破之受降而還

中書舍人宋昱知選事前進士廣平劉廼以選法未

善廣平郡本洛州武安郡天上書於昱以為禹稷臯

陶同居舜朝猶曰載采有九德考績以九載書臯陶

有九德亦言其人有德乃言曰載采采禹曰何臯陶

日寬而栗柔而立愿而恭亂而敬擾而毅直而溫簡

而廉剛而塞彊而義彰厥有常吉哉又舜典曰三載

考績三考黜陟幽明三考九載也上時掌翻陶余招

錢大昕通鑑注辯正云案地理志無斥候府之名蓋轉寫之謬當以新史為正新書忠義傳云廼河南伊闕人

翻九載近代主司察言於一幅之判觀行於一揖之

通鑑卷二百六十一 唐紀三十三 宗

通鑑卷二百一十六 月系三十三 天寶十二載癸巳

間何古今遲速不侔之甚哉借使周公孔子今處銓

廷銓廷謂吏部銓量選人之所處昌呂翻考其辭華則不及徐庾徐庾徐陵庾信

唐正元大曆以前皆尚其文觀其利口則不若嗇夫嗇夫事見十四卷漢文帝

年何暇論聖賢之事業乎

資治通鑑卷第二百一十六 津藩土井有恪川喜多顯同校

